


আল্লাহর পরিচয় ও মানুষের পরিচয়

মুজাহিদে আযম হযরত মাওলানা শামছুল হক ফরিদপুরী

আব্বাহর পরিচয় ও মানুষের পরিচয়

মুজাহিদে আযম হযরতুল আব্বাম
শামছুল হক ফরিদপুরী
ছদর সাহেব হজুর (রহ.)



আল-আশরাফ প্রকাশনী

৫০, বালাবাজার, ঢাকা-১১০০

মোবাঃ ০১৭১-৩৭৮৫৩৩

প্রকাশনায় :

আল-আশরাফ প্রকাশনী
৫০, বাংলাবাজার

প্রকাশক :

মাওলানা রুহুল আমীন

© সর্বস্বত্ত্ব সংরক্ষিত

ষষ্ঠ সংস্করণ :

জুলাই-২০০৫ ইং

কম্পিউটার কলোরাড

আল-আশরাফ কম্পিউটার

কলাবাগান, ঢাকা।

মোবাইল : ০১৭১-৩৭৮৫৩৩

মূল্য : চল্লিশ টাকা মাত্র

Alahar Parichay o Manuser Parichay : By Allama Shamsul Haque Faridpuri (Rh.) Published By Mowlana Ruhul Amin Al-Ashraf Prakashani. Date of Publication July 2005.

PRICE : TAKA FORTY SIX ONLY

“তুমি দুনিয়ার সব কিছু পাইয়াছ,
কিন্তু আল্লাহকে পাও নাই, তবে
তুমি কিছুই পাও নাই” ।

“তোমরা যদি আল্লাহর দ্বীনের,
সাহায্য কর তবে আল্লাহও
তোমাদের সাহায্য করিবেন” ।

আমার একটা পুত্র সম্ভান জন্ম নিলে
যে রূপ খুশী হই-তার চেয়েও বেশী খুশী হই
আমার একটা লেখা ছাপা হইলে ।

—আল্লামা শামছুল হক ফরিদপুরী

প্রকাশকের কথা

মুজাহিদে আযম সমাজ সংস্কারক আল্লামা শামছুল হক ফরিদপুরী (রহ.)-এর লেখা কিছু বই নতুন আঙ্গিকে ও নতুন সংস্করণে পুনরায় প্রকাশ করতে পেরে মহান রাব্বুল আলামীনের দরবারে লাখো-কোটি শোকর ।

এই মহামনীষীর জীবনের অক্লান্ত পরিশ্রমের ফসলগুলো নতুন আঙ্গিকে প্রকাশ করার কাজে যারা আমাকে সাহায্য ও সহযোগিতা দান করেছেন তাদের সবার নিকট আমি আন্তরিকভাবে কৃতজ্ঞ ।

কাজের ভিতরে ভুল-ত্রুটি থাকবেই । তাই অন্যত্র সমালোচনা না করে সরাসরি ভুলত্রুটিগুলো জানিয়ে বইটির সংস্করণে ও সংশোধনে সহযোগিতা করলে আন্তরিকতার সাথে গৃহীত হবে ইনশাআল্লাহ্ ।

এই মহামূল্যবান বইটি পাঠকের জীবনে সামান্যতম উপকার হলেও লেখকের লেখা সার্থক হবে ।

প্রকাশক

মাওলানা রুহুল আমীন

সূচিপত্র

বিষয়	পৃষ্ঠা
আব্বাহুর পরিচয়	
❖ আব্বাহুর পরিচয় ও গুণগান	৯.
❖ মানুষ সৃষ্টির তথ্য ও তত্ত্ব	১৪
❖ আব্বাহুর পরিচয়	১৫
❖ আয়াতুল কুরছি	১৬
❖ আব্বাহুর বাণী-কুরআনের পরিচয়	২১
❖ কবর পূজা	২৩
❖ রাসূলের পরিচয়	২৯
❖ মানুষের পরিচয়	৩৮
❖ মুমিনের পরিচয়	৩৯
মানুষের পরিচয়	
❖ মানুষের পরিচয়	৪৬
❖ নারীর গুরুত্ব	৪৯
❖ স্ত্রীদের অধিকার	৫০
❖ নারীর প্রধান দায়িত্ব	৫২

আরো কিছু সংখ্যক কেতবাড়ি বলদ অর্থাৎ ভুলাভালা কর্মী সংগ্রহ কর, পাহাড় টলিবে তো তাঁহারা টলিবে না। আমি কিছু শিক্ষা দিয়া যাইব। ইনশাআল্লাহ্। সেই শিক্ষায় কওম ও মিল্লাতের সঠিক দিক-নির্দেশনা হইবে। বেশী বড় আলিম ও ডিগ্রীধারীদের দ্বারা কাজ করান যায় না। নিজের রায় ফানা করিতে পারে না। কানয, হেদায়া পর্যন্ত পড়া কিছু আলিম এবং আন্ডার গ্রাজুয়েট কতিপয় যুবক ধরিয়া আন। আমার লেখা বইগুলির ব্যাপক প্রচার কর।

—মালফুযাতে হযরত ফরিদপুরী (রহ.)

আল্লাহ্ৰ পৰিচয়

আল্লামা শামছুল হক ফরিদপুৰী (রহ.)

আমাদের প্রকাশিত অন্যান্য বই

- ❖ আদর্শ মুসলিম পরিবার
- ❖ তাছাওউফ তত্ত্ব
- ❖ জীবন পাথেয়
- ❖ শত্রু থেকে হুঁশিয়ার
- ❖ জিহাদের গুরুত্ব ও ফযীলত
- ❖ চরিত্র গঠন
- ❖ ভুল সংশোধন
- ❖ আত্মাহুঁর পরিচয় ও মানুষের পরিচয়
- ❖ মা-বাপ ও সন্তানের হক
- ❖ মসজিদ ও জীবন্ত মসজিদ
- ❖ হজ্জের মাসায়েল
- ❖ আত্মা শামছুল হক ফরিদপুরী (রহ.)-এর জীবনী
- ❖ হক্কানী তাফহীর (আলিফ-লাম-মীম পারা)
- ❖ হক্কানী তাফহীর (আমপারা)

বিসমিল্লাহির রাহমানির রাহীম

আল্লাহর পরিচয়

আল্লাহর পরিচয় ও গুণগান

আল্লাহর পরিচয় (معرفت) হাসিল করা মানুষের সর্বপ্রথম এবং সর্বপ্রধান কর্তব্য।

১। سُبْحَانَ اللَّهِ - আল্লাহ্ বে-আয়েব। দোষ-কলঙ্ক, কালিমার নাম, লেশ, গন্ধও আল্লাহর মধ্যে নেই।

২। الْحَمْدُ لِلَّهِ আল্লাহ্ সর্বৈব ভাল, সর্ব গুণাকার আল্লাহ্। মন্দের নাম, গন্ধও নাই আল্লাহর মধ্যে।

৩। لَا إِلَهَ إِلَّا اللَّهُ এক আল্লাহ্ ছাড়া আর কোন মাবুদ নাই। মানুষের উপাসনা, আরাধনা ও বন্দেগী পাওয়ার উপযুক্ত আর কেউ নাই, আছে এক আল্লাহ্, এতে আল্লাহর আদৌ কোন শরীক নাই। যদি কেউ এই কাজে অন্য কাউকে শরীক করে, তবে সে পাপ এমন পাপ যে, সে পাপ কিছুতেই মাফ হইবে না।

৪। اللَّهُ أَكْبَرُ - সবচেয়ে বড় আল্লাহ্। যত বড়ই প্রশংসা বা কল্পনা করিতে পারি না কেন আল্লাহকে আমরা, তার চেয়েও বড় আল্লাহ্। যত বড়ই পবিত্র, যত বড়ই ক্ষমতাশালী, যত বড়ই গুণবান, মহান মনে করি না কেন আল্লাহকে আমরা, তার চেয়েও বড় আল্লাহ্।

আল্লাহ্ সসীম না, আল্লাহ্ অসীম। আল্লাহ্ নিরাকার, নিরঞ্জন, অনাদী, অনন্ত।

৫। لَا إِلَهَ إِلَّا اللَّهُ وَحْدَهُ لَا شَرِيكَ لَهُ - আল্লাহ এক ও একক
 “একেশ্বর দ্বিতীয় নাস্তি” আল্লাহর অস্তিত্বের মধ্যে, ব্যক্তিত্বের মধ্যে,
 গুণাবলীর মধ্যে, কার্যাবলীর মধ্যে কেউই শরীক বা অংশ বা অংশীদার
 নাই, লা-শরীক আল্লাহ।

৬। لَا حَوْلَ وَلَا قُوَّةَ إِلَّا بِاللَّهِ - যার যা কিছু শক্তি বা ক্ষমতা আছে
 সেসব শক্তি আল্লাহর দেওয়া শক্তি, কারুর নিজস্ব শক্তি নয়। অতএব
 সকলেরই উচিত বিপদের থেকে উদ্ধারের জন্য বা সম্পদ বা শক্তি
 পাওয়ার জন্য এক আল্লাহর নিকট সাহায্য ভিক্ষা চাওয়া, তাছাড়া অন্য
 কারুর নিকট ভিক্ষাপ্রার্থী হওয়া উচিত নয়।

৭। إِنَّ اللَّهَ عَلَىٰ كُلِّ شَيْءٍ قَدِيرٌ - আল্লাহ সর্বশক্তিমান।
 সবকিছু করিতে পারেন আল্লাহ।

৮। إِنَّ اللَّهَ بِكُلِّ شَيْءٍ عَلِيمٌ - আল্লাহ সবকিছু জানেন।
 আমাদের দোষ, খাতা-কছুর, শয়তানী, জুলুম, অত্যাচার, ব্যভিচার,
 বিলাসিতা সবকিছু জানেন আল্লাহ। কিন্তু—

৯। إِنَّ اللَّهَ حَلِيمٌ غَفُورٌ - আল্লাহ অত্যন্ত ধৈর্যশীল এবং অত্যন্ত
 ক্ষমাশীল, যখন তখন শাস্তি দেন না, সময় দেন, দেখি বান্দা তাওবা করে
 নাকি, ক্ষমা চায় নাকি। তাছাড়া এই দুনিয়াকে—যমীন-আসমানকে সৃষ্টি
 করিয়া, যমীনের সবকিছু পশু-পক্ষী, কীট-পতঙ্গ, পাহাড়-পর্বত,
 নদী-নালা, গাছ-পালা সবকিছু সৃষ্টি করিয়া, আসমানের সবকিছু চন্দ্র-সূর্য,
 গ্রহ-নক্ষত্র, মানব-দানব, দৈত্য-দেবতা সবকিছু সৃষ্টি করিয়া যখন ইহার
 জন্য দরবার সৃষ্টি করিয়াছেন এবং পরিচালনভার গ্রহণ করিয়াছেন جَبَّارٌ
 তখন জাব্বার বা قَهَّارٌ ক্বাহহার বা عَزِيزٌ আজিজ বা قَدِيرٌ ক্বাদির নাম
 ধারণ করেন নাই, তখন নাম ধারণ করিয়াছে—

১০। أَلرَّحْمٰنُ عَلَى الْعَرْشِ السُّتُوٰى - দয়াময়, দয়ার সাগর নাম
 ধারণ করিয়া তিনি পরিচালনভার স্বয়ং নিজে গ্রহণ করিয়াছেন অন্য কারুর

নিকট সোপর্দ করেন নাই। এই জন্যই দেখা যায় যারা আল্লাহকে মানে না বরং আল্লাহকে অস্বীকার করে বা গালি দেয় তাদেরও আল্লাহ রিযিক দান করেন, তাদেরও আহার বন্ধ করেন না। যাহারা গোখের দ্বারা পাপ করে, হাতের দ্বারা জুলুম করে, গুণ্ড অঙ্গের দ্বারা ব্যভিচার করে, হাতের কলমের, মস্তকের বুদ্ধির জোরে গরীব শোষণ করে, চুরি করে, অতিরিক্ত ট্যাক্স বসায়, সুদ খায়, ঘুষ খায় তাদেরও এইসব শক্তি যখন আল্লাহ ছিনাইয়া নেন না; অবশ্য এই দুনিয়ার পর। এ দুনিয়া কর্মক্ষেত্র, পরীক্ষার হল। এ দুনিয়ার পর যখন পরীক্ষার ফল বাহির হইবার জন্য, কর্মফলের জন্য আখেরাত আসিবে, বিচারালয় বসিবে, আল্লাহ স্বয়ং বিচারক হইয়া বিচার করিবেন—তখন নাম ধারণ করিবেন—

الْعَدْلُ مَالِكِ يَوْمِ الدِّينِ - مَلِكِ يَوْمِ الدِّينِ - الْقَهَّارُ -

সর্বক্ষম ক্ষমতাশালী, বিচার দিবসের মালিক ও বাদশাহ, কিন্তু ন্যায় বিচারক বাদশাহ, জালেম বাদশাহ নয়।

তখন অত্যাচারী, ব্যভিচারী পাপাচারীদের জন্য الْقَهَّارُ নাম ধারণ করিবেন। নবীদের জন্য, ওলীদের জন্য, নবীর উপর যাহারা ঈমান আনিয়া নবীর তাবেদারী করিয়াছে, ক্ষণস্থায়ী জীবনের ঈমানদারীর জীবনযাপন করিয়াছে তাদের জন্য তখনও الرَّحِيمُ নাম ধারণ করিবেন, অত্যন্ত দয়ালু এবং তাহাদিগকে চিরস্থায়ী অফুরন্ত সুখ-শান্তি ও নেয়ামত-রাশি দান করিবেন। পাপীদের কাউকে কাউকে কোন অছিলায় ক্ষমা করিয়া দিবেন, কাউকে কাউকে পাপের পরিমাণ শাস্তি দিয়া বেহেশত দান করিবেন কিন্তু যারা আল্লাহর অস্তিত্বই স্বীকার করে নাই, নবীর নবীত্বই স্বীকার করে নাই, তাদের ক্ষমা করিবেন না এবং যারা আল্লাহর সঙ্গে অন্য কোন বস্তুকে, ব্যক্তিকে বা শক্তিকে শরীক করিয়াছে তাহাদিগকে কিছুতেই ক্ষমা করিবেন না। তাহাদিগকে দোযখের আগুনের শাস্তিতে

চিরকাল প্রজ্জ্বলিত হইতে ও শাস্তি ভোগ করিতে হইবে। এই অর্থেই বলা হইয়াছে তখন তিনি কাফের ও যালিমদের জন্য নাম ধারণ করিবেন **أَلْفَهُمْ** কিন্তু তখন অবিচার ও অত্যাচার বা জুলুম করিবেন না তখনও ন্যায়বিচার করিবেন।

তিনি আকৃতি, প্রকৃতি, নেচার, উপায়-উপকরণ মাদ্দা, হাই উলা, ছুরত, আত্মাসমূহ ও দেবতা, ফেরেশতা সকলেরই সৃষ্টিকর্তা ইহার মধ্যে অসৃষ্ট কেউই নয়। নেচার বা প্রকৃতিকে আল্লাহ সৃষ্টি করিয়াছেন। নেচারের উর্ধ্বে কোটি কোটি ফেরেশতা সৃষ্টি করিয়াছেন। ফেরেশতা আলোর দ্বারা সৃষ্টি। ফেরেশতার নিম্নে জীন সৃষ্টি করিয়াছেন তারা আমাদের অদৃশ্য, যেমন ফেরেশতারাও অদৃশ্য। নেচার অর্থাৎ প্রকৃতির শক্তিও অসীম। কিন্তু ফেরেশতার শক্তি এবং গতি তার চেয়েও বেশী। এতদসত্ত্বেও প্রকৃতিও মানুষের খাদেম; ফেরেশতাও মানুষের খাদেম। মানুষের পূজনীয় কেউই নয়। মানুষ এদের কাহারও নিকট আরাধনা করিবে না বা কিছু চাহিবে না, মানুষ এদের সকলের উর্ধ্বে।

এক একজন মানুষের হেফাজতের জন্য ১৬০ (একশত ষাট জন) ফেরেশতা মোতায়ন আছে। চন্দ্র-সূর্য, গ্রহ-নক্ষত্রও মানুষের খাদেম। আবার তাদের হেফাজতের জন্য, পরিচালনের জন্যও কোটি কোটি ফেরেশতা মোতায়ন আছে। এরা কেউই মানুষের পূজনীয় বা উপাস্য নয়। মানুষের উপাস্য বা পূজনীয় বা মাবুদ এক আল্লাহ, তাছাড়া অন্য কেউই নয়। এক একজন ফেরেশতার এত ক্ষমতা আছে যে, এক আঙ্গুলের দ্বারা একটি দেশকে শূন্যে উঠাইয়া নিয়া আছাড় দিয়া মারিয়া ফেলিতে পারে, সূর্যকে ঘুরাইতে পারে, সূর্যের উত্তাপের দ্বারা সমুদ্রের পানি তুলিয়া মেঘকে পরিচালিত করিয়া ভীষণ ঝঞ্ঝাবায়ু পরিচালিত করিয়া দেশকে ধ্বংসও করিয়া দিতে পারে বা দেশে ভালছে ভাল শস্য-ফসলও উৎপন্ন করিতে পারে, এ সবই তারা আল্লাহর নির্দেশ

অনুসারে করে। আল্লাহর আদেশের বিন্দুমাত্র ব্যতিক্রম তারা করে না। তাদের এত ক্ষমতা থাকা সত্ত্বেও তারা আল্লাহর আজ্ঞাবহ দাস, আল্লাহর আদেশে তারা মানুষের সেবক—সে জন্যই তারা পূজার যোগ্য নয়। পূজার যোগ্য তাদের সৃষ্টিকর্তা এক আল্লাহ, তাছাড়া অন্য কেউই নয়।

আল্লাহর অংশও নাই, অংশীদারও নাই, রূপান্তরও নাই বা অবতারবাদও নাই। সবই আল্লাহর সৃষ্টি। যাহারা শ্রীকৃষ্ণকে, শ্রীরামকে, বুদ্ধদেবকে বা যীশু খৃষ্টকে আল্লাহর অংশ বা অংশীদার মনে করে এবং সেজন্য তাদের আরাধনা করে তারা মারাত্মক ভুলের মধ্যে পড়িয়া আছে।

ফেরেশতাসমূহও যেহেতু সৃষ্টি, স্রষ্টা নয়—কাজেই তাহারাও পূজা পাওয়ার যোগ্য নয়। সৎ ও মহৎ লোকগণ, রাজা মহারাজাগণও যেহেতু সৃষ্টি, যীশু শ্রীরাম, শ্রীকৃষ্ণও যেহেতু সৃষ্টি, স্রষ্টা নয়, তাহারাও পূজার যোগ্য নন। পূজার যোগ্য এক আল্লাহ অন্য কেউ, অন্য কিছুই নয়।

এক আল্লাহ একমাত্র সৃষ্টিকর্তা, রক্ষাকর্তা, পালনকর্তা, আহারদাতা, বিধানদাতা, বিচারকর্তা। এইসব গুণে ও কাজে অন্য কেউই আল্লাহর শরীক নাই। অবশ্য যাকে যে কাজে তিনি দিয়াছেন নেচার বা ফেরেশতা বা মাতুলেহে সে সেই কাজ করিতেছে। চন্দ্র-সূর্য, আকাশ, পৃথিবী এবং আকাশে বা পৃথিবীতে যা কিছু দৃশ্য-অদৃশ্য শক্তি বা বস্তু, অগ্নি, বায়ু, পানি, মাটি আছে সবই আল্লাহ মানুষের খেদমতের জন্য সৃষ্টি করিয়াছেন।

هُوَ الَّذِي خَلَقَ لَكُمْ مَّا فِي الْأَرْضِ جَمِيعًا ثُمَّ اسْتَوَىٰ
إِلَى السَّمَاءِ فَسَوَّىٰ هُنَّ سَبْعَ سَمَوَاتٍ .

পৃথিবীতে যা কিছু আছে সবই তিনি তোমাদের কাজের জন্য সৃষ্টি করিয়াছেন। তারপর আসমানের দিকে দৃষ্টি দিয়াছেন এবং সাতটি আসমান সুদৃঢ়রূপে সৃষ্টি করিয়াছেন সবই তোমাদেরই কাজের জন্য।

তোমরা কার কাজের জন্য?

মানুষ সৃষ্টির তথ্য ও তত্ত্ব

وَلَقَدْ كَرَّمْنَا بَنِي آدَمَ وَحَمَلْنَا هُمْ فِي الْبَرِّ وَالْبَحْرِ
وَرَزَقْنَاهُمْ مِّنَ الطَّيِّبَاتِ وَمَا خَلَقْتُ الْجِنَّ وَالْإِنْسَ إِلَّا
لِيَعْبُدُونِ.

আমি মানুষকে আশরাফুল মাখলুকাত বা সৃষ্টির সেরা করিয়া সৃষ্টি করিয়াছি এবং তাদের জন্য উপাদেয় খাদ্য তৈয়ার করিয়াছি। কেন করিয়াছি? তারা যেন অন্য কাউকে খোদা বলিয়া না ডাকে এক আমাকে ছাড়া, অন্য কারুর দাসত্ব যেন গ্রহণ না করে, একমাত্র আমিই তাদের খোদা, একমাত্র আমাকেই যেন খোদা বলিয়া ডাকে এবং একমাত্র আমারই যেন বন্দেগী করে এবং কর্মক্ষেত্রে ও রাজ্য পরিচালন ক্ষেত্রেও যেন একমাত্র আমার আইন মানিয়া চলে অন্য কারুর মনগড়া মতবাদ বা আইন যেন গ্রহণ না করে।

হাজার হাজার বৎসর পূর্বেও যে আল্লাহ ছিলেন এখনও সেই একই আল্লাহ আছেন। হাজার হাজার বৎসর পূর্বেও তিনি তাহার নবীদের দ্বারা উপদেশ দিয়াছেন—মাপে কম দিও না, অত্যাচার, ব্যভিচার করিও না, আল্লাহর হুকুম, আল্লাহর আইন মানিয়া চল। **إِنَّكُمْ رَجِئْتُمْ وَرُدُّوا** তিনি বড় দয়ালু, বড় দাতা, আর দাতাও তুচ্ছের সঙ্গে দাতা নয় প্রেমের সঙ্গে দাতা। হাজার হাজার বৎসর পূর্বেও মানুষের মধ্যে কাম, ক্রোধ, লোভ, রিপু বিদ্যমান ছিল। এই রিপুগুলির থেকে সংযম অভ্যাস করিয়া বাঁচিয়া থাকার জন্য তখনও আল্লাহ তাহার নবীদের মাধ্যমে মানুষকে উপদেশ দিয়েছেন।

খবরদার! নবীর শরীয়ত ধরিয়া চল। খবরদার! রিপুর দাস হইয়া রাজা-বাদশাহর পথ ধরিও না।

সাড়ে তিন হাজার বৎসরের কথা—‘বল-আম বাউরা’ নামক অতি বড় একজন আলেম আবেদ ছিল কিন্তু সে রিপু দমন করিতে পারে নাই, লোভ, রিপুর বশীভূত হইয়া নবীর শরীয়তের বিরুদ্ধ পথ অবলম্বন করিয়াছে। স্ত্রীর কুমন্ত্রণায় টাকার মোহে পড়িয়া মূসা (আ.) নবীর বিরুদ্ধে রাজার পক্ষ ধরিয়াছে। আল্লাহ তাহাকে তৎক্ষণাৎ দুনিয়াতেই কুস্তার মত করিয়া দিয়াছেন। কুস্তা যেমন জিহ্বা বাহির করিয়া সব সময় হাঁপাইতে থাকে তাহার তদ্রূপ অবস্থা হইয়া গিয়াছিল। আল্লাহ তা‘আলা পরবর্তী আলেম-পীরদিগকে তাহার নবীদের দ্বারা সতর্ক করিয়া দিয়াছেন। আর আশেরাতের আযাব তো আছেই।

আল্লাহর পরিচয়

এই দুনিয়াতে কেউ আল্লাহর ব্যক্তিত্বকে দেখিতে পারিবে না। একমাত্র হযরত মুহাম্মদ মুস্তফা সাল্লাল্লাহু আলাইহি ওয়াসাল্লাম শবে মিরাজে এই দুনিয়া থেকে বাহিরে গিয়া তিনি দেখিয়াছেন। হযরত মূসা দেখার জন্য আরজু পেশ করিয়াছেন কিন্তু তাহাকে বলিয়া দেওয়া হইয়াছে, لَنْ تُرَآئِنِي এ দুনিয়াতে তুমি কিছুতেই দেখিতে পারিবে না, অনর্থক আরজু করিও না। কাজ কর এবং আল্লাহর গুণাবলীর দ্বারা, কার্যাবলীর দ্বারা আল্লাহর পরিচয় মারেফাত হাসিল কর। আল্লাহর মারেফাত ও পরিচয় হাসিল করার শুধু এ অর্থ নয় যে, নাম জানিয়া রাখিলাম, গুনিয়া পড়িয়া বুঝিয়া রাখিলাম, না-আল্লাহর গুণাবলীতে গুণান্বিত হইতে হইবে। ইহাই আল্লাহর পরিচয় লাভের এবং মারেফাত হাসিলের অর্থ।

আয়াতুল কুরছি

اللَّهُ لَا إِلَهَ إِلَّا هُوَ الْحَيُّ الْقَيُّومُ لَا تَأْخُذُهُ سِنَّةٌ وَلَا نَوْمٌ لَهُ
مَا فِي السَّمَوَاتِ وَمَا فِي الْأَرْضِ مَنْ ذَا الَّذِي يَشْفَعُ عِنْدَهُ إِلَّا
بِإِذْنِهِ يَعْلَمُ مَا بَيْنَ أَيْدِيهِمْ وَمَا خَلْفَهُمْ وَلَا يُحِيطُونَ بِشَيْءٍ
مِّنْ عِلْمِهِ إِلَّا بِمَا شَاءَ وَسِعَ كُرْسِيُّهُ السَّمَوَاتِ وَالْأَرْضَ وَلَا
يَئُودُهُ حِفْظُهُمَا وَهُوَ الْعَلِيُّ الْعَظِيمُ.

এই আয়াত কুরআনের সর্বাপেক্ষা বড় আয়াত। এই আয়াতে আল্লাহর দশটি গুণ বর্ণনা করা হইয়াছে।

১, ২। আল্লাহ—যে আল্লাহ ছাড়া অন্য কেউ মানুষের উপাসনা, পূজা বা বন্দেগী পাওয়ার উপযুক্ত নয়।

৩। الْحَيُّ الْقَيُّومُ আল্লাহ চিরজীবন্ত, অনাদি, অনন্ত।

৪। একমাত্র এক আল্লাহই সমস্ত বিশ্ব জগতের ধারক ও বাহক। সমস্ত বিশ্বজগত তাহার নিকট হাতের তালুর মধ্যে যেন একটা সরিষার দানার মত। তিনি যতদিন ইচ্ছা কামেয়ম রাখিবেন তারপর যখন ইচ্ছা এক টিপ দিয়া সব ধ্বংস করিয়া দিয়া আবার পুনরায় নতুন করিয়া সৃষ্টি করিবেন।

৫। এক মুহূর্তের জন্যও তাহার নিদ্রাও নাই, তন্দ্রাও নাই, তিনি সদা জাগরুক।

৬। আসমান সমূহের মধ্যে এবং পৃথিবীর মধ্যে যত না কিছু আছে, সবই তাহারই স্বত্ব, তাহারই সৃষ্টি, তাহারই করতলগত, সবই তাহারই হুকুমে চলে। একমাত্র মানুষকে কিছু পরিমাণ স্বায়ত্বশাসন, স্বাধীন ক্ষমতা পরীক্ষার জন্য দিয়াছেন। তাকেও ইচ্ছা করিলে যখন তখন

শায়স্তা করিতে পারেন, কিন্তু একটি সীমা পর্যন্ত মানুষকে স্বাধীনতা দিয়া রাখিয়াছেন। সেই সীমা পার হইয়া গেলে মানুষের হিসাব ও বিচার হইবে। যে শাস্তির উপযুক্ত তাকে দোষখের শাস্তি দেওয়া হইবে আর যে পুরস্কারের উপযুক্ত তাকে বেহেশতে অফুরন্ত নেয়ামতের পুরস্কার দেওয়া হইবে।

৭। আল্লাহর পরাক্রম এত বেশী যে, কোন মূর্তি বা কোন দেবতাও তাহার শাস্তি হইতে ছাড়াইয়া আনাতো দূরের কথা তাহার বিনা অনুমতিতে সুপারিশ করার সাহসও কাহারও নাই। যীশুরও নাই, শ্রীরামেরও নাই, শ্রীকৃষ্ণেরও নাই। অবশ্য যাহারা আল্লাহর অস্তিত্ব ও একত্ব অস্বীকার করে নাই, আল্লাহর সঙ্গে কাউকে শরীক করেন নাই, তাদের যদি অন্যান্য কিছু পাপ থাকে তবে তাদের জন্য নবী, ওলীগণ অনুমতি পাইবেন সুপারিশ করার।

৮। মানুষের জানা-অজানা, দৃশ্য-অদৃশ, ভূত-ভবিষ্যত সবকিছু আল্লাহ জানেন, কিন্তু মানুষ যত বড়ই বৈজ্ঞানিক, দার্শনিক, ঐতিহাসিক, সাহিত্যিক, নবী, ওলী হোক না কেন, তাদের জ্ঞান এতটুকুর মধ্যেই সীমাবদ্ধ আল্লাহ যাহাকে যতটুকু দান করিয়াছেন বা করিবেন।

৯। তাঁর রাজত্ব, সমস্ত আসমান-যমীন বিস্তারিত; সর্বত্র এক তাঁরই রাজত্ব বিদ্যমান।

১০। এত রাজত্ব পরিচালনায়, রক্ষণাবেক্ষণে তাঁর শরীক নাই। তাঁর এতে বিন্দুমাত্র শ্রান্তি বা ক্লান্তি নাই বরং এর হাজার গুণ আরও বেশী হইলে তার চেয়েও সে বড় এবং বেশী শক্তিশালী।

شَهِدَ اللَّهُ أَنَّهُ لَا إِلَهَ إِلَّا هُوَ وَالْمَلَائِكَةُ وَأُولُو الْعِلْمِ
قَائِمًا بِالْقِسْطِ لَا إِلَهَ إِلَّا هُوَ الْعَزِيزُ الْحَكِيمُ۔

আল্লাহ স্বয়ং নিজে সাক্ষ্য দিতেছেন, সমস্ত ফেরেশতাগণ সাক্ষ্য দিতেছেন এবং সমস্ত আল্লাহ বিষয়ক জ্ঞানে জ্ঞানীগণ, নবী, ওলীগণ সাক্ষ্য দিতেছেন; দুইটি কথার সাক্ষ্য-একটি এই যে, এক আল্লাহ ছাড়া অন্য কেউ উপাস্য যা বন্দেগীর (লায়েক) উপযুক্ত নাই। দ্বিতীয় কথাটি এই যে, তিনি এই দুনিয়াতে স্বাধীনভাবে আমাদিগকে ছাড়িয়া দিয়াছেন বটে কিন্তু তিনি পরকালে ন্যায়বিচার কয়েম করিবেনই করিবেন, পরকাল হইবেই হইবে, পরকালের বিচার হইবেই হইবে, নিশ্চয় হইবে।

সমস্ত ইজ্জতের মালিক আল্লাহ। সমস্ত হুকুমতের মালিক, হায়াত-মওত, রিযিক-দৌলতের মালিক আল্লাহ, এই সমস্ত জিনিস দুনিয়াতে তিনি কাফের, মুমিন নির্বিচারে যাকে ইচ্ছা তাকে দান করেন তাতে অন্য কাহারও ক্ষমতা বা প্রতিবাদ চলে না।

إِنَّ رَبَّكُمُ اللَّهُ الَّذِي خَلَقَ السَّمَوَاتِ وَالْأَرْضَ فِي سِتَّةِ أَيَّامٍ
ثُمَّ اسْتَوَىٰ عَلَى الْعَرْشِ يُغْشِي اللَّيْلَ النَّهَارَ يَطْلُبُهُ حَثِيثًا
وَالشَّمْسُ وَالْقَمَرُ وَالنُّجُومُ مُسَخَّرَاتٌ بِأَمْرِهِ ۗ إِنَّهُ الْخَلْقُ
وَالْأَمْرُ.

হে মানুষ! তোমাদের উপাস্য কোন দেবতাও নয়, কোন ফেরেশতাও নয়, কোন ওলীও নয়, কোন নবীও নয়, যীশুও নয়, শীরাম, শ্রীকৃষ্ণ বা বুদ্ধমূর্তিও নয়, অন্য কেউই নয়। তোমাদের উপাস্য শুধু একমাত্র আল্লাহ যিনি ছয় দিনে সমস্ত আসমান-যমীন সৃষ্টি করিয়াছেন, যিনি নিজ হাতে এই সমস্ত পরিচালনা করিতেছেন, যিনি অতি দ্রুতগতিতে দিনের পর রাত, রাতের পর দিন তিনিই আনয়ন করেন। সূর্য, চন্দ্র, নক্ষত্র সব তাহারই করতলগত তাহারই মুঠের মধ্যে, তাহার আজ্ঞাবহ দাস সকলে। অতএব, হে মানুষগণ! তোমরা জানিয়া রাখিও, সৃষ্টিকর্তাও

যেমন একমাত্র তিনি ছাড়া আর কেউ নাই, তেমনই বিধানদাতাও একমাত্র তিনি ছাড়া আর কেউ নাই। একমাত্র তিনিই বিধানদাতা, একমাত্র পূজার যোগ্য, বন্দেগীর লায়েক। (সূরা আরাফ)

সূরা হাশরের শেষ তিন আয়াতে আল্লাহর ১৫ (পনের) টি নামের পরিচয় দেয়া হইয়াছে। ব্যক্তিবাচক নাম একটি, গুণবাচক, জামালী ও জালালী নাম ১৪ (চৌদ্দ) টি :

هُوَ اللَّهُ الَّذِي لَا إِلَهَ إِلَّا هُوَ عَالِمُ الْغَيْبِ وَالشَّهَادَةِ هُوَ
الرَّحْمَنُ الرَّحِيمُ هُوَ اللَّهُ الَّذِي لَا إِلَهَ إِلَّا هُوَ الْمَلِكُ الْقَدُّوسُ
السَّلَامُ الْمُؤْمِنُ الْمُهَيْمِنُ الْعَزِيزُ الْجَبَّارُ الْمُتَكَبِّرُ سُبْحَانَ
اللَّهِ عَمَّا يُشْرِكُونَ هُوَ اللَّهُ الْخَالِقُ الْبَارِئُ الْمُصَوِّرُ لَهُ
الْأَسْمَاءُ الْحُسْنَى يُسَبِّحُ لَهُ مَا فِي السَّمَوَاتِ وَالْأَرْضِ وَهُوَ
الْعَزِيزُ الْحَكِيمُ۔

১। আল্লাহ্ যিনি, একমাত্র এক আল্লাহ্ ছাড়া অন্য কেউই উপাস্য নাই।

২। তিনি আলিমুল গায়বি ওয়াশ-শাহাদাতি অর্থাৎ দৃশ্য-অদৃশ্য, গোপন-প্রকাশ্য সবকিছু একমাত্র তিনিই জানেন।

৩। তিনি দয়ার সাগর, দয়াময়।

৪। তিনি অনন্ত দয়ালু, দাতা। হাদীস শরীফে তাহার দয়ার, দানের কিছু বিশ্লেষণ করা হইয়াছে—

بده ملى لا يغيضها نفقة سحاء الليل والنهار منه
خلق السموات والارض۔

আল্লাহর ভাণ্ডার অফুরন্ত ভাণ্ডার। আসমান-যমীন পয়দা করেছেন অবধি তিনি পানির স্রোতের মত সবাইকে সবকিছু দান করিতেছেন এবং করিতে থাকিবেন তাতে তার ভাণ্ডারে কিছুমাত্রও কমি আসে নাই এবং আসিবে না।

৫। তিনিই একমাত্র বাদশাহ।

৬। কিন্তু পবিত্র বাদশাহ।

৭। শাস্তি দানকারী বাদশাহ।

৮। নিরাপত্তা দানকারী বাদশাহ।

৯। সমস্ত তত্ত্বাবধানকারী, রক্ষণাবেক্ষণকারী বাদশাহ।

১০। সর্বশক্তিমান বাদশাহ।

১১। জোর-জবরদস্তি যার দ্বারা যা ইচ্ছা করাইয়া লইতে পারেন।

১২। সকলের চেয়ে বড় তিনি, সর্বোপরি বাদশাহ তিনি, সমস্ত বাদশাহর বাদশাহ তিনি। কিন্তু অন্য বাদশাহরা যেমন ক্ষমতা পাইয়া জুলুম-অত্যাচার করে তিনি সেরূপ বাদশাহ নন; তিনি পবিত্র বাদশাহ।

১৩। গ্রীক দার্শনিকগণ এবং ভারতীয় হিন্দু দার্শনিকগণ সৃষ্টিকর্তা একজন স্বীকার করিয়াছেন বটে কিন্তু আকৃতি-প্রকৃতি, উপায়-উপকরণ ও আত্মাকে অসৃষ্ট ধারণ করিয়াছেন, ইহা তাহাদের ভুল—এগুলির সব এক আল্লাহর সৃষ্টি। দুই সৃষ্টির মধ্যে পার্থক্য এতটুকু যে উপায়-উপকরণ ইত্যাদিকে তিনি বিনা উপায়-উপকরণে তাহার খাছ কুদরত **كُنْ فَيَكُونُ** -এর দ্বারা সৃষ্টি করিয়াছেন। তারপর যা কিছু সৃষ্টি করিয়াছেন সে সব উপায়-উপকরণ এবং আকৃতি-প্রকৃতির দ্বারা সৃষ্টি করিয়াছেন। অসৃষ্ট এক আল্লাহ এবং আল্লাহর গুণাবলী ছাড়া আর কিছুই নয়।

১৪। তিনিই হাইউলা এবং প্রকৃতির উপায়-উপকরণের সৃষ্টিকর্তা।

১৫। **هُوَ اللَّهُ الْخَالِقُ الْبَارِئُ الْمُصَوِّرُ** তিনিই আত্মার সৃষ্টিকর্তা।

১৬। তিনি আকৃতির (ছুরতের) সৃষ্টিকর্তা।

আল্লাহর বাণী-কুরআনের পরিচয়

আল্লাহর বাণী আল্লাহ একটি গুণ, কাজেই আল্লাহর কালাম অসৃষ্ট কিন্তু কালি, কাগজ, মানুষের উচ্চারণ, হরফের, শব্দের নকশাকরণ সৃষ্ট, আসল বাণী অসৃষ্ট।

قُلْ هُوَ اللَّهُ أَحَدٌ اللَّهُ الصَّمَدُ لَمْ يَلِدْ وَلَمْ يُولَدْ وَلَمْ يَكُنْ لَهُ كُفْرًا أَحَدٌ .

আল্লাহর বাণী কুরআন এবং আল্লাহর বাণীবাহক সত্য রাসূল (কৃত্রিম বানাওটি মিথ্যা রাসূল নয়) যে আল্লাহর পূজা ও বন্দেগীর দিকে মানবজাতিকে আহ্বান করিয়াছেন সে আল্লাহর নাম আল্লাহ্। ফ্রাইস্ট বা যীশু বা শ্রীরাম বা শ্রীকৃষ্ণ নয়। তাহার পবিত্র নাম আল্লাহ্। আল্লাহ্ এক এবং একক। একের অর্থ এই যে, আল্লাহ্ দুইজন বা তিনজন নয়। যাহারা দুইজন বা তিনজন, “একে তিন তিনে এক” বলিতেছে তাহারা ভুল করিতেছে, তাহারা মুশরিক হইয়া গিয়াছে। এককের অর্থ এই যে, আল্লাহর যেমন অংশীদার নাই তেমনি তাহার অংশও নাই। আল্লাহ্ এক, অনাদী-অনন্ত, সমস্ত আয়েব হইতে, সমস্ত অভাব হইতে পবিত্র। তিনি স্ত্রীও নন যাহার স্বামীর দরকার হয়, তিনি পুরুষও নন যাহার স্ত্রীর দরকার হয়, তিনি কাহারও পিতাও নন যাহার অংশ হয় পুত্র। তিনি কাহারও পুত্রও নন যিনি পিতার অংশ এবং অংশীদার, তাহার স্ত্রীও নাই স্বামীও নাই বা তিনি কাহারও স্বামীও নন, কাহারও স্ত্রীও নন।

খ্রীস্টান জগৎ সেন্টপল কর্তৃক বিভ্রান্ত হইয়া সমস্ত জগতকে মিথ্যা কথা দিয়া ধোঁকা দিতেছে। তাহারা বলিতেছে, “একে তিন তিনে এক” যীশুকে বলিতেছে খোদার পুত্র, খোদাকে বলিতেছে পিতা, হযরত মরিয়মকে বলিতেছে খোদার স্ত্রী, আবার সর্বশক্তিমান খোদাও বলিতেছে। খোদার জন্য এইগুলি কলঙ্ক এবং আয়েব। তাহলে তো

খোদার এবং মানুষের কোন পার্থক্যই থাকিতেছে না। কাজেই এইসব আয়েব, অভাব এবং দুর্বলতা হইতে খোদা পবিত্র। তিনি নিরভাব, নিষ্কলংক, নিরঞ্জন বরং তিনিই সকলের সকল অভাব পূরণকারী। **اللَّهُ الصَّمَدُ** এর ইহাই অর্থ।

হিন্দুরা বলে শ্রীকৃষ্ণে বা শ্রীরামের মধ্যে আল্লাহ ঢুকিয়া আল্লাহ ঐরূপ ধারণ করিয়া জগতে আসিয়াছে। এই কথাও মিথ্যা; ইহাও আল্লাহর জন্য আয়েব। এইরূপ আয়েব হইতেও আল্লাহ পবিত্র। ইহাও **اللَّهُ الصَّمَدُ** এর অর্থ।

ইসলাম ধর্ম সম্বন্ধে কম জ্ঞানশালী অনেক মুসলমানও অনেক ভুলের মধ্যে পড়িয়া আছে, তাদেরও ভুল সংশোধন করিয়া লওয়া দরকার।

মীলাদ শরীফের মধ্যে সাধারণত ব্যয়ান করা হয় আল্লাহর নূরে মুহাম্মদ সাল্লাল্লাহু আলাইহি ওয়াসাল্লাম পয়দা, মুহাম্মাদের নূরে সারে জাহান পয়দা। আল্লাহর নূরে মুহাম্মদ পয়দা এর অর্থ আল্লাহর সৃষ্ট নূরে, কুদরতের নূরে প্রথম সৃষ্ট হইয়াছেন হযরত মুহাম্মদ সাল্লাল্লাহু আলাইহি ওয়াসাল্লাম। এ অর্থ নয় যে, আল্লাহর জাতি নূরের এক অংশ কাটিয়া তার দ্বারা মুহাম্মাদকে পয়দা করা হইয়াছে, এই অর্থ ভুল অর্থ। এ অর্থ কেউ মনে করিলে সে মুশরিক হইয়া মহাপাপী হইয়া যাইবে। এইরূপে আউলিয়াগণের মধ্যে আল্লাহর গুণ ঢুকিয়াছে উহা কিন্তু আল্লাহর সৃষ্ট গুণ। কাজেই আউলিয়াগণের নিকটও আরাধনা-প্রার্থনা করা যাইবে না। অবশ্য আউলিয়াগণের প্রতি জীবিত অবস্থায় ও তাহাদের ইস্তিকালের পরেও তাহাদের প্রতি ভক্তি-শ্রদ্ধা রাখিতে হইবে এবং যথাসাধ্য তাহাদের জীবন-চরিত্র মনে করিয়া তাহাদের জীবন-চরিত্রের অনুসরণ অনুগমন করিতে হইবে।

তঁাহারা আউলিয়া হইয়াছেন আল্লাহর যিকির করিয়া, আল্লাহর মহব্বত পয়দা করিয়া, নফস ও শয়তানের সঙ্গে জিহাদ করিয়া, রাসূলুল্লাহর আদর্শ সূনাত তরীকা অনুসরণ করিয়া, আমাদেরও তদ্রূপই করা উচিত। অনর্থক

তাহাদের কবর, মাজারকে সিজদা করিয়া বা কবর, মাজারকে পূজা করিয়া, মান্নত করিয়া, মেলা মিলাইয়া শিরকের মহাপাপে পাপী হওয়া উচিত নয় ইহা ভয়ানক পাপ।

কবর পূজা

আজকাল অজ্ঞতা বশত অনেক ধর্মজ্ঞান বঞ্চিত শিক্ষিত ভাইকেও পীরের কবর পূজা করিতে দেখা যায় বা পীরের কবরকে সিজদা করিতে দেখা যায় বা **يا عبد القادر جيلانى شيا الله** বলিতে বা খাজা বাবা, আলী বাবা আমাকে একটি সন্তান দান করুন বা আমার মনের মকসুদ পূরা করিয়া দিন বলিতে শোনা যায়। ইহা তাহাদের মারাত্মক ভুল এবং শিরক পাপ। এই পাপকে দুনিয়ার জীবনেই পরিত্যাগ করিয়া আল্লাহর নিকট হইতে ক্ষমা চাহিয়া না নিলে মৃত্যুর পর অন্যান্য পাপের মাফের আশা করা যায় কিন্তু শিরক পাপ মাফের আশা করা যায় না। আল্লাহ তাহার পবিত্র বাণী কুরআন পাকের মধ্যে পরিষ্কার ঘোষণা দিয়া দিয়াছেন যে, তিনি শিরকের পাপ মাফ করিবেন না।

إِنَّ اللَّهَ لَا يَغْفِرُ أَنْ يُشْرَكَ بِهِ -

সুধী পাঠক! চিন্তা করার বিষয়, বিজ্ঞানের এত উন্নতি হওয়া সত্ত্বেও তাহারা চন্দ্রে যাইতেছেন—কিন্তু মানুষতো অনেক বড় কথা, একটি ইতর প্রাণীর মধ্যে যে জীবনী শক্তি আছে, একটি দুর্বাঘাসের পাতার মধ্যে যে অতি সামান্য একটু জীবনী শক্তি আছে তাও এ যাবৎ তারা সৃষ্টি করিতে পারে নাই এবং ভবিষ্যতেও পারিবে না। মানুষ ইতর প্রাণী নয়, মানুষ বানরের থেকে বা অন্য কোন ইতর প্রাণী হইতে সৃষ্টি হয় নাই। মানুষকে আল্লাহ স্বয়ং তাহার নিজ কুদরতের হাতের দ্বারা তাহাকে বিশিষ্ট সম্মান, বিশিষ্ট মর্যাদা, বিশিষ্ট বিচার শক্তি, বিশিষ্ট জ্ঞান ও বিবেক-বুদ্ধি দিয়া সৃষ্টি করিয়াছেন। বিজ্ঞানের উন্নতি করিয়া যদি তার মধ্যে ধর্ম জ্ঞান

থাকিত তবে একদিকে সে আল্লাহর পরম নৈকট্য লাভ করিতে পারিত, অপরদিকে সে মানুষের সেবা করিয়া মানুষের মহোপকারী বন্ধু হইতে পারিত। কিন্তু পরমা পরিতাপের বিষয়, বিজ্ঞান অনুশীলনের সঙ্গে সঙ্গে ধর্মের অনুশীলন না থাকার কারণে মানুষ হিংস্র জন্তুতে পরিণত হইয়া মানুষ মানুষকে বিজ্ঞানের কৌশলে মুহূর্তের মধ্যে লক্ষ লক্ষ মানুষকে হত্যা করিতেছে। বিজ্ঞানের কৌশলে মানুষ মানুষের রক্ত শোষণ করিয়া খাইয়া একদল মানুষ কোটিপতি, পুঁজিপতি হইয়া যাইতেছে, তাদের পাশে আর একদল মানুষ কঙ্কালসার হইয়া যাইতেছে। এ যে শুধু পুঁজিপতিদেরই অবস্থা তাহাই নয় যারা গরীব-দরদীর ভান করিয়া পুঁজিপতিদেরে শেষ করিয়া সাম্যবাদী সাজিয়েছে, তারাও তাই করিতেছে বরং মানুষকে মনুষ্যত্বের স্তর হইতে নামাইয়া পশুত্বের স্তরে নিয়া যাইতেছে। এসব কি জন্য হইতেছে? যেহেতু তারা সত্য ধর্ম পায় নাই, আল্লাহর ধর্ম পালন করে নাই।

অতএব, বিজ্ঞান চর্চার সহিত ত্রিত্ববাদী ধর্ম নয়—কুরআন-হাদীসের আসল আরবী ভাষায় অনুবাদে নয়, অনুশীলন হওয়া একান্ত দরকার।

আল্লাহ ফেরেশতার মাধ্যমে, নবীর মাধ্যমে যে ওহী বা বাণী পাঠাইয়াছে তাহা দুই প্রকার। দুই প্রকারেরই বিষয়বস্তু এই জগতের বা মানব মস্তিষ্ক প্রসূত নয়। এক প্রকার ওহীর শব্দ ভাষণ এবং ভাব ও বিষয়বস্তু সবই আল্লাহর এবং তা নামায়ে পড়া হয় তাহাকে বলে কুরআন এবং দ্বিতীয় প্রকার ওহীর ভাব এবং বিষয়বস্তু আল্লাহর কিন্তু ভাষা নবীর, যাহা প্রকৃত প্রস্তাবে কুরআনেরই ব্যাখ্যা ও বিশ্লেষণ, যাহা নবীর পবিত্র আত্মা হইতে নিঃসৃত হইয়াছে, উহাকে বলে হাদীস অর্থাৎ ওহীয়ে গায়ের মাতলু অর্থাৎ মুখস্থ করিয়া লিপিবদ্ধ করিয়া রাখা হয়, প্রচার করা হয়, শিক্ষা দেওয়া হয় কিন্তু নামায়ে পড়া হয় না।

কুরআনের পরিচয় সম্পর্কে সূরা ইউনুসের মধ্যে স্বয়ং আল্লাহ বলিতেছেন—

وَمَا كَانَ هَذَا الْقُرْآنُ أَنْ يَفْتَرَىٰ مِنْ دُونِ اللَّهِ وَلَكِنْ
تَصْدِيقَ الَّذِي بَيْنَ يَدَيْهِ وَتَفْصِيلَ الْكِتَابِ لَارِيبَ فِيهِ مِنْ
رَبِّ الْعَالَمِينَ .

এই কুরআন মুহাম্মাদের বা অন্য কোন মানুষের রচনা নয়। ইহা স্বয়ং আল্লাহ্ রাক্বুল আলামীনের রচনা। তিনি এই কুরআন ছাড়াও আরও অনেক কিতাব দুনিয়াতে পাঠাইয়াছেন কিন্তু এই কুরআনই তাহার শেষ বাণী এবং ইহা যাহাকে সত্য বলিবে তাহাই সত্য। ইহার বিপরীত হইলে তাহাকে সত্য বলিয়া গ্রহণ করা যাইবে না। কারণ একই আল্লাহর দুই রকম কথা হইতে পারে না। অবশ্য পূর্ববর্তী কিতাবের বিশদ ব্যাখ্যা হইতে পারে। পরবর্তী কিতাব এই কুরআনই আল্লাহর সর্বশেষ কিতাব। ইহার কোন একটি কথার মধ্যেও আদৌ কোনরূপ সন্দেহের অবকাশ নাই। কারণ ইহা স্বয়ং আল্লাহ্ রাক্বুল আলামীনের প্রেরিত বাণী এবং স্বয়ং তিনিই ইহার সংরক্ষণের ভার নিয়াছেন। পূর্ববর্তী কিতাবগুলিকে যে রূপ মানুষেরা, রাজনৈতিক নেতারা এবং ধর্মনৈতিক নেতারা স্বার্থ প্রণোদিত হইয়া বিকৃত করিয়া ফেলিয়াছে এই কুরআনকে এই ইহার নিষ্পাপ নবীর বিশ্লেষণ ব্যাখ্যাকে মানুষেরা বিকৃত অর্থাৎ পরিবর্তন-পরিবর্ধন করিতে চেষ্টা করিলেও তাহা পারিবে না, তাহারা নিজেরাই অপমানিত হইবে। কারণ স্বয়ং আল্লাহ্ এই কুরআনের সংরক্ষণের ভার নিয়াছেন। চতুর্দশ পারায় বলিয়াছেন—

إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ .

আমিই পাঠাইয়াছি এই কিতাবকে এবং আমিই সুরক্ষিত রাখিব এই কিতাবকে। এই কিতাবের মধ্যে আদৌ কোন কৃত্রিমতা ঢুকিতে পারে নাই এবং পারিবে না।

স্বয়ং আল্লাহ বলিতেছেন—নবী মুহাম্মাদও যদি একটি কথাও কম বেশী করিত তবে তাহাকে আমি টুকরা টুকরা করিয়া হত্যা করিয়া ফেলিতাম। আল্লাহ স্বয়ং পঞ্চদশ পারায় আরও বলিয়াছেন—

وَإِنْ كَادُوا لَيَفْتِنُونَكَ عَنِ الَّذِي أَوْحَيْنَا إِلَيْكَ لِتَفْتَرِيَ عَلَيْنَا غَيْرَهُ وَإِذَا لَا تَخَذُوكَ خَلِيلًا وَلَوْ لَا أَنْ تُبَيِّنَاكَ لَقَدْ كِدْتَ تَرْكُنُ إِلَيْهِمْ شَيْئًا قَلِيلًا - إِذْ لَأَذِقْنَاكَ ضِعْفَ الْحَيَاةِ وَضِعْفَ الْمَمَاتِ ثُمَّ لَا تَجِدُ لَكَ عَلَيْنَا نَصِيرًا -

হে আমার রাসূল মুহাম্মাদ! আমি যে ওহী আপনাকে পাঠাইয়াছি তাহা যে অবিকৃত অবস্থায় আপনি সুরক্ষিত রাখিয়াছেন তাহার প্রমাণ এই যে, কাফেররা আপনাকে বিপথগামী করিতে এবং কিছু কথা (এই কুরআনে) মিশাল দেওয়ার জন্য চেষ্টা করিতে আদৌ কোন ক্রটি করে নাই। সেই শর্তে তাহারা আপনাকে দোস্ত বানাইয়া নিতেও প্রস্তুত হইয়াছে কিন্তু আপনি তাহাদের কথায় ভুলেন নাই, তাহাদের শত্রুতারও পরোয়া করেন নাই। নতুবা আপনি যদি একবিন্দুও তাহাদের কথায় আসিতেন তবে আপনাকে দুনিয়াতেও সবচেয়ে বেশী, বহু গুণে বেশী আযাব দিতাম, কিন্তু আপনি একবিন্দুও তাহাদের কথায়, তাহাদের মিথ্যার সহিত সন্ধি করেন নাই। আমিই আপনাকে খাঁটি পথের উপর, খাঁটি জিনিসের উপর ছাবেত কদম রাখিয়াছি। আমার খাছ সাহায্য ব্যতীত তাদের ষড়যন্ত্র এত প্রবল ছিল যে, আমার খাছ সাহায্য ব্যতীত আপনার পক্ষেও ছাবেত কদম থাকা সম্ভব হইত না, কিন্তু আমি খাছ সাহায্য করিয়া আপনাকে খাঁটি জিনিসের উপর, খাঁটি ওহীর উপর ছাবেত কদম রাখিয়াছি।

সুধী পাঠক! এ পর্যন্ত স্রষ্টার পরিচয়ের কিঞ্চিৎ বর্ণনা স্রষ্টারই বর্ণনার থেকে করিয়াছি। নতুবা আমি সৃষ্ট একজন অতি নগণ্য মানুষ, আমার দ্বারা স্রষ্টার পরিচয়ের কি বর্ণনা হইতে পারে? সসীম সেও ক্ষুদ্র সসীম!

অসীমের কি বর্ণনা দিতে পারে? স্রষ্টার গুণাবলীও অসংখ্য, অপরিমেয়, অসীম ও অসৃষ্ট। সে সম্পর্কেও এক নগণ্য, অতি সীমাবদ্ধ একবিন্দু জ্ঞানও যে পায় নাই তার দ্বারা কতটা পরিচয়ের আশা করিতে পারেন? নিজেরাই প্রথমে অগ্রসর হোন, আমার মুখাপেক্ষী থাকিবেন না। আমিও শুধু এতটুকু বলিয়াই শেষ করিতেছি যে, এ পর্যন্ত অসৃষ্টের অর্থাৎ স্রষ্টা এবং স্রষ্টার অসৃষ্ট গুণাবলীর মধ্যে অতি কিছু বর্ণনা দিয়াছি। অর্থাৎ আল্লাহর বাণী কুরআনের কথা বলিয়াছি। অসৃষ্ট আল্লাহর শক্তি নেচারও অসৃষ্ট কিন্তু যেমন আল্লাহর কুরআনের হরফগুলি, নক্সাগুলি অসৃষ্টের সংশ্লিষ্ট সৃষ্ট পদার্থ। তদ্রূপই আল্লাহর অসৃষ্ট সৃজনী শক্তির সৃষ্ট পদার্থ নিচয়ের মধ্যে সৃষ্ট বহু জগতের মধ্যে যেমন সৃষ্টির সেরা সমস্ত আলো ও উত্তাপের কেন্দ্র সূর্য, তদ্রূপ আলোর সৃষ্টির সেরা আধ্যাত্মিক জগতের সৃষ্টির সেরা সর্বপ্রথম সৃষ্টি মুহাম্মদ সাল্লাল্লাহু আলাইহি ওয়াসাল্লামের নূর অর্থাৎ আত্মা। অর্থাৎ আধ্যাত্মিক জগতের সূর্য। এই সূর্য হইতেই সমস্ত নবীগণ এবং ওলীগণ ছিটা ফোটা আলো ও উত্তাপ, মারেফাত ও মহব্বত আহরণ করিয়া নবী বা ওলী হইয়াছেন।

নবী মুহাম্মদ সাল্লাল্লাহু আলাইহি ওয়াসাল্লাম এই জন্যই সৃষ্টির সেরা—*بعد از خدا بزرگ تویی فیه مختصر* অর্থাৎ মুহাম্মদ নবী, খোদাতো নন। কিন্তু খোদার পর আর কেউ না; ফেরেশতাও না, কোন নবীও না, কোন ওলীও না আর কেউ তার চেয়ে বড় নাই। তিনিই খোদার চেয়ে ছোট কিন্তু সমস্ত সৃষ্টির মধ্যে সবচেয়ে বড়। তিনি অনাদী নন, কিন্তু অনন্ত।

কুরআনের মধ্যে এবং রাসূলের মধ্যে এই পার্থক্য যে, কুরআন আল্লাহর অসৃষ্ট গুণ, আর রাসূল আল্লাহর সৃষ্টি। কিন্তু দৃশ্য জগতে ঐ অসৃষ্টেরই বিকাশ।

كَانَ خُلُقُهُ الْقُرْآنُ .

কুরআন যেহেতু অসৃষ্ট, বিষয়ও অসৃষ্ট, ভাষাও অসৃষ্ট, এই জন্যই কুরআনের ভাষা এবং বিষয় কখনও পুরাতন হইবে না। যেমন স্রষ্টার অন্যান্য গুণাবলীও কখনো দুর্বল বা পুরাতন হইবে না। নিত্য নতুন থাকিবে। তদ্রূপ কুরআনের ভাষায় এবং বিষয়ের সৌন্দর্য, মাধুর্য, গাঙ্ঘীর্য, গভীরতা ও ব্যাপকতা, চির নতুন থাকিবে কখনও পুরাতন হইবে না। কুরআন তো অসৃষ্ট-সৃষ্টির মধ্যেও তো আল্লাহর সৃষ্ট পদার্থের মধ্যেও তো এমন সৃষ্টি মঞ্জুদ আছে, যা কখনো পুরাতন হবে না চির নতুন থাকিবে। যেমন বস্তু জগতে সূর্য চির নতুন থাকিবে, আধ্যাত্মিক জগতে রাসূল চির নতুন। তাঁহার আখলাক, শিক্ষা কখনো পুরাতন হবে না।

أَوْتَيْتُ جَوَامِعَ الْكَلِمِ .

আমাকে কুরআনের এবং হাদীসের এমন ভাষা দান করা হইয়াছে যাহা চিরকাল সর্বব্যাপী থাকিবে, কখনো পুরাতন হবে না।

لا تنقضى عجائبها لا يخلق بكثرة التلاوة .

আমাকে কুরআন এবং হাদীসে এমন ভাষা দেওয়া হইয়াছে যাহা চিরকাল নতুন থাকিবে। বারবার পড়ার কারণে কখনো তাতে পুরাতনত্ব আসিবে না এবং উহার আশ্চর্য বিশ্লেষণ ও ব্যাখ্যা কখনো ফুরাবে না।

যাহারা বলে যে, “চৌদ্দশ’ বছর পূর্বের কুরআন-হাদীসের আইন এখন কেমনে চলিতে পারে?’ তাহারা কুরআন-হাদীস বুঝে নাই এবং শত্রুদের দ্বারা প্ররোচিত ও প্রবঞ্চিত হইয়াছে। **Inferiority** রোগে রোগগ্রস্ত হইয়াছে।

এখন আমি সৃষ্টি সেরার কিছু পরিচয় আল্লাহর বর্ণনা হইতে উদ্ধৃত করিতে চাই।

রাসূলের পরিচয়

مَا كَانَ مُحَمَّدٌ أَبَا أَحَدٍ مِّن رِّجَالِكُمْ وَلَكِن رَّسُولَ اللَّهِ
وَخَاتَمَ النَّبِيِّينَ وَكَانَ اللَّهُ بِكُلِّ شَيْءٍ عَلِيمًا .

আল্লাহ স্বয়ং সাক্ষ্য দিতেছেন—হে জগতবাসী মানুষ! তোমরা জানিয়া লও, বুঝিয়া লও, মুহাম্মদ সাল্লাল্লাহু আলাইহি ওয়াসাল্লাম কে এবং কি? এবং তোমাদের সাথে তাঁহার সম্পর্ক কি? জানিয়া রাখ, মুহাম্মদ তোমাদের কোন পুরুষের পিতা নন অর্থাৎ তোমাদের কোন পুরুষের সঙ্গেই তাঁহার জনৈক ক্ষণস্থায়ী সম্পর্ক নয় বরং তাঁহার সাথে তোমাদের আধ্যাত্মিক ও চিরস্থায়ী সম্পর্ক। তিনি চিরস্থায়ী আল্লাহর বাণী বাহক রাসূল এবং তোমাদের খুব সতর্ক হইয়া তাঁহার বাণীসমূহ শ্রবণ, গ্রহণ ও সংরক্ষণ করা দরকার। কারণ তাহার পরে আল্লাহর বাণী লইয়া আর কেউ তোমাদের কাছে আসিবে না, তিনিই সর্বশেষ নবী। সুতরাং তিনি যাহা কিছু আল্লাহর দরবার হইতে নিয়া আসিয়াছেন সবটুকুকে তোমরা খুব শক্ত করিয়া ধরিয়া রাখিবা, একবিন্দুও ছাড়িবা না, এ আশা রাখিবা না যে, তাঁহার পরও অন্য কেউ কোন বাণী আল্লাহর তরফ হইতে নিয়া তোমাদের কাছে আসিবে—না, কখনও না, তিনিই শেষ নবী, তাঁহার পর আর কোন নবী আসিবে না, আর কেউ আল্লাহর কোন বাণী বহন করিয়া আনিবে না। আল্লাহর যা কিছু বাণী মানব জাতিকে দেওয়ার ইচ্ছা এবং দান করার ছিল সব তিনি এ নবীর উপর শেষ করিয়া দিয়াছেন। ইহার চেয়ে দয়ালু নবীও আর কেউ নাই।

لَقَدْ جَاءَكُمْ رَسُولٌ مِّنْ أَنْفُسِكُمْ عَزِيزٌ عَلَيْهِ مَا عَنِتُّمْ
حَرِيصٌ عَلَيْكُمْ بِالْمُؤْمِنِينَ رَؤُفٌ رَّحِيمٌ .

আল্লাহ স্বয়ং সাক্ষ্য দিতেছেন, কসম খাইয়া বলিতেছেন, : মি কসম খাইয়া বলিতেছি যে, মুহাম্মাদ সাল্লাল্লাহু আলাইহি ওয়াসাল্লাম আমার

এমন বাণী বাহক রাসূলরূপে তোমাদের কাছে আসিয়াছেন যে—তিনি খোদাও নন, খোদার অংশ বা অংশীদারও নন, ফেরেশতাও নন, বরং তিনি তোমাদেরই একজন, তোমাদেরই মত একজন মানুষ কিন্তু তোমাদের মত সাধারণ মানুষ নন। তোমরা যেমন সাধারণত শুধু নিজের কষ্টটা বুঝ, নিজের স্বার্থটা, নিজের লাভটা বুঝ অন্যেরটা মোটেই বুঝ না বা কম বুঝ—তিনি তদ্রূপ নন, তিনি সর্বদা, তাঁহার আপাদমস্তক তোমাদের সকলের ব্যথায় ব্যথিত এবং তাঁহার আপাদমস্তক তোমাদের সকলের হিতের জন্য, তোমাদের সকলের মঙ্গলের জন্য সদা লালায়িত এবং যাহারা তাহার কথায় বিশ্বাস করিয়া, তাহার সব কথা গ্রহণ করিয়া মুমিন হইয়া যাইবে তাহাদের প্রতি হইবেন তিনি অত্যন্ত সদয়, অত্যন্ত মেহেরবান। মুমিনগণের প্রতি তাহার সহৃদয় ও মেহেরবানী দুনিয়াতে এবং আখেরাতে, ইহকালে এবং পরকালে হইবে অপরিসীম বেশী।

স্বয়ং আল্লাহ সাক্ষ্য দিতেছেন—

وَمَا أَرْسَلْنَاكَ إِلَّا رَحْمَةً لِّلْعَالَمِينَ .

হে মুহাম্মদ! আমি আপনাকে দুনিয়াতে কারো উপর কোনরূপ কঠোরতা, কৃপণতা করার জন্য বা অন্য কোন উদ্দেশ্যে পাঠাই নাই; শুধু এই উদ্দেশ্যে পাঠাইয়াছি যে, আপনি সমস্ত জগৎদাসী মানুষের প্রতি দয়া বিস্তার করিবেন। সমস্ত জগতের মানুষের জন্য আপনি দয়া ও রহমতের পূর্ণ প্রতীক হইবেন। স্বয়ং আল্লাহ সাক্ষ্য দিতেছেন—

إِنَّكَ لَعَلَىٰ خُلُقٍ عَظِيمٍ
فَبِمَا رَحْمَةٍ مِّنَ اللَّهِ لِنْتَ لَهُمْ وَلَوْ كُنْتَ فَظًّا غَلِيظَ
الْقَلْبِ لَآنْفَضُّوا مِنْ حَوْلِكَ .

আপনার স্বভাব অত্যন্ত উচ্চাঙ্গের, মহৎ স্বভাব। আমি নিজে আমার দয়া দ্বারা আপনার স্বভাবকে অত্যন্ত কোমল ও মধুর করিয়া গঠন করিয়াছি। আপনার স্বভাবের মধ্যে বিন্দুমাত্রও উগ্রতা, ঔদ্ধত্য বা কঠোরতা, নিষ্ঠুরতা নাই, আপনি দয়ার সাগর!

আল্লাহ্ স্বীয় রাসূলকে নির্দেশ দিতেছেন—হে আমার রাসূল! মানব সমাজকে ভুল বুঝাবুঝি হইতে রক্ষা করিবার জন্য আপনি আপনার বিনীত পরিচয় আপনি নিজে মুখে বলিয়াও তাঁদেরে সান্ত্বনা দেন, আপনি বলুন।

আমি খোদা বা খোদার অংশ অবতার বা অংশীদার পুত্র বা ফেরেশতা, দেবতা নই, আমি তোমাদেরই মত রক্ত মাংসের সৃষ্ট পিতার ঔরসে মাতার গর্ভে জন্মিত একজন মানুষ। তোমাদের যেমন আহা, নিদ্রা-বিশ্রামের প্রয়োজন হয়, মানবীয় অভাব-অনটনের, জরা-মরার শিকার হইতে হয়, আমিও তদ্রূপই একজন মানুষ।

قُلْ إِنَّمَا أَنَا بَشَرٌ مِّثْلُكُمْ يُوحَىٰ إِلَيَّ-

তবে আমার বিশেষত্ব এতটুকু যে, আমাকে আল্লাহ্ নিষ্পাপ মানুষরূপে বাছনি করিয়া নিয়াছেন। আমাকে যিনি বাছনি করিয়া নিয়াছেন তাঁহার বাণী বহন করিয়া, বাণী প্রচার করার জন্য এবং বাণীর আদর্শ ও নমুনা প্রতিষ্ঠিত করার জন্য।

হযরত মুহাম্মাদ রাসূলুল্লাহ (সা.) যে সর্বশেষ নবী তাহা কুরআনের দ্ব্যর্থহীন পরিষ্কার আয়াতের দ্বারা প্রমাণিত হইয়াছে।

وَلَكِنَّ رَسُولَ اللَّهِ وَخَاتَمَ النَّبِيِّينَ-

আয়াতের দ্বারা, সহীহ হাদীসের দ্বারা এবং ইজমায়ে সাহাবা, তাবেয়ীন ও তাবয়ে-তাবেয়ীন দ্বারা প্রমাণিত হইয়াছে যে, যদি কেউ নূতন নবুয়তের দাবী করে বা কেউ কাউকে নবী বলিয়া স্বীকার করে তবে সে এই আয়াতের অস্বীকারকারী বলিয়া কাফের প্রমাণিত হইবে।

বৃটিশ ষড়যন্ত্র করিয়া মুসলমান জাতির ও ইসলাম ধর্মের ক্ষতি করার জন্য পাঞ্জাবের গোলাম আহমাদ কাদিয়ানী নামক এক ব্যক্তিকে নবী দাবী করিতে প্রস্তুত করিয়াছিল। তাহাকে যাহারা নবী বলিয়া মানে তাহারা তাহাদের ঈমান নষ্ট করিয়া কাফের হইয়া গিয়াছে।

হযরত মুহাম্মাদুর রাসূলুল্লাহ (সা.) যে সর্বশ্রেষ্ঠ নবী এ কথাও কুরআনের আয়াত দ্বারা প্রমাণিত হইয়াছে।

تِلْكَ الرَّسُلُ فَضَّلْنَا بَعْضَهُمْ عَلَى بَعْضٍ مِنْهُمْ مَنْ
كَلَّمَ اللَّهُ وَرَفَعَ بَعْضَهُمْ دَرَجَاتٍ .

আল্লাহ বলিতেছেন—যত রাসূল হইয়াছেন সকলে এক দরজার হন নাই। আমি কাউকে বড় কাউকে তার চেয়ে বড় করিয়াছি। কাউকে কাউকে এত সম্মান দিয়াছি যে সরাসরি আল্লাহ তাহার সঙ্গে কথা বলিয়াছেন। যেমন হযরত মূসার সঙ্গে আল্লাহ সরাসরি কথা বলিয়াছেন। এইরূপ হযরত মুহাম্মাদের সঙ্গে আল্লাহ মিরাজ শরীফে সরাসরি কথা বলিয়াছেন এবং কাউকে আল্লাহ সকলের উপর শ্রেষ্ঠত্ব দান করিয়াছেন। সকল সাহাবাদের ইজমা হইয়াছে যে, এই “কাউকের” অর্থ হযরত মুহাম্মদ (সা.)।

দ্বিতীয় আয়াত আল্লাহ তা'আলা হযরত ঈসা আলাইহিস সালামের বর্ণনা কুরআনে উদ্ধৃত করিয়াছেন। হযরত ঈসা বলিয়াছেন—

يَا بَنِي إِسْرَائِيلَ إِنِّي رَسُولُ اللَّهِ إِلَيْكُمْ مُصَدِّقًا لِمَا
بَيْنَ يَدَيَّ مِنَ التَّوْرَةِ وَمُبَشِّرًا بِرَسُولٍ يَأْتِي مِنْ بَعْدِي اسْمُهُ
أَحْمَدُ .

হে বনী ইসরাঈলগণ! তোমরা জানিয়া রাখ যে, আমি আল্লাহর পুত্র নই, আমি আল্লাহর দাস এবং আল্লাহর বাণী বাহক, প্রেরিত পুরুষ,

রাসূল। তিনি আমাকে প্রধানত দুইটি কাজ দিয়া পাঠাইয়াছেন। একটি এই যে, আমি আমার পূর্ববর্তী তাওরাত কিতাবের সত্যতা প্রমাণ করিব এবং উহার মধ্যে যাহা কিছু কৃত্রিমতা করা হইয়াছে তাহা আমি বাছনি করিয়া সত্যকে সত্য এবং মিথ্যাকে মিথ্যা বলিয়া পথ পরিষ্কার করিয়া দিব। আমার দুনিয়াতে আসার, আল্লাহর আমাকে দুনিয়াতে পাঠানোর দ্বিতীয় উদ্দেশ্য এই যে, আমার পরে একজন রাসূল আসিবেন, তিনি হবেন সর্বশ্রেষ্ঠ রাসূল। কেননা তিনি আল্লাহর মহব্বতে ও মারেফাতে এবং আল্লাহর প্রশংসায় সর্বশ্রেষ্ঠ হইবেন। এই জন্যই তাহার নাম হইবে আহমাদ।

সহীহ হাদীসে আসিয়াছে, হযরত বলিয়াছেন—আমি ফখরের জন্য বলিতেছি না, তবে আল্লাহর সত্যকে প্রকাশ করিতে আমি বাধ্য সেই জন্য বলিতেছি যে—

أَنَا سَيِّدٌ وَأَدَمٌ وَلَا فَخْرَ أَنَا إِمَامُ الْمُرْسَلِينَ وَلَا فَخْرَ.

আল্লাহ আমাকে সমস্ত বনী আদমের শ্রেষ্ঠ করিয়াছেন এবং মানুষের মধ্যে শ্রেষ্ঠ নবীগণ, সেই নবীগণের সকলের শ্রেষ্ঠ আমাকে করিয়াছেন।

এ কথা আমি ফখরের জন্য বলিতেছি না, আল্লাহর সত্য প্রকাশের জন্য বলিতেছি।

রাসূল খোদার, রাসূল মানুষ, পাপী মানুষ নয়—নিষ্পাপ মানুষ কিন্তু খোদা নয়। সূরা কাহাফের মধ্যে স্বয়ং আল্লাহ বলিতেছেন—

إِنَّمَا أَنَا بَشَرٌ مِّثْلُكُمْ.

অর্থাৎ আমি খোদা নই মানুষ। সৃষ্টত্বের মধ্যে তোমাদেরই মত মানুষ, যদিও অন্যান্য গুণের দিক দিয়া আমাকে সর্বশ্রেষ্ঠ গুণ দিয়া সৃষ্টি করিয়াছেন। আল্লাহ নিজে সাক্ষ্য দিয়াছেন—আমার রাসূল আমার কুরআনেরই বিকাশ। আমার রাসূল আমার মত দয়ালু। নির্দয়, নিষ্ঠুর

নয়। আমার রাসূল সমস্ত মানব জাতির ব্যথায় ব্যথিত। তন্মধ্যে যাহারা ঈমান আনিবে তাহাদের হিতের ও মঙ্গলের জন্য তিনি বিশেষভাবে লালায়িত এবং দয়ায় আপুত। এত সব তারিফ নিজেই কুরআনে করা সত্ত্বেও রাসূল যে আল্লাহ নন মানুষ, মানুষের সেরা মানুষ, তা আল্লাহ নিজেই সূরা জ্বিনের শেষে বর্ণনা করিয়া বুঝাইয়া দিতেছেন। কুরআনের আরও অনেক জায়গায় বুঝাইয়াছেন কিন্তু আমি মাত্র সূরা জ্বিনের উদ্ধৃতি পেশ করিতেছি—

قُلْ إِنَّمَا أَدْعُوا رَبِّي وَلَا أُشْرِكُ بِهِ أَحَدًا قُلْ إِنِّي لَا أَمْلِكُ
 لَكُمْ صُرًّا وَلَا رَشَدًا قُلْ إِنِّي لَنْ يَجِيرَنِي مِنَ اللَّهِ أَحَدٌ وَلَنْ
 أَجِدَ مِنْ دُونِهِ مُلْتَحَدًا إِلَّا بَلَاغًا مِّنَ اللَّهِ وَرِسَالَاتِهِ وَمَنْ
 يَعْصِ اللَّهَ وَرَسُولَهُ فَإِنَّ لَهُ نَارَ جَهَنَّمَ خَالِدًا فِيهَا أَبَدًا
 حَتَّىٰ إِذَا رَأَوْا مَا يُوعَدُونَ فَيَسْئَلُونَ مَنْ أضعفُ ناصِرًا وَأَقَلُّ
 عَدَدًا قُلْ إِنْ أَدْرَىٰ أَقْرَبُ مَا تُوعَدُونَ أَمْ يَجْعَلُ لَهُ رَبِّي أَمَدًا
 عَلِيمٌ الْغَيْبِ فَلَا يُظْهِرُ عَلَىٰ غَيْبِهِ أَحَدًا إِلَّا مَنْ ارْتَضَىٰ مِنْ
 رَّسُولٍ فَإِنَّهُ يَسْلُكُ مِنْ بَيْنِ يَدَيْهِ وَمِنْ خَلْفِهِ رَصَدًا لِّيَعْلَمَ
 أَنْ قَدْ أَبْلَغُوا رِسَالَاتِ رَبِّهِمْ وَأَحَاطَ بِمَا لَدَيْهِمْ وَأَحْصَىٰ كُلَّ
 شَيْءٍ عَدَدًا .

অর্থ : স্বয়ং আল্লাহ তাহার শেষ নবীকে শিক্ষা দিতেছেন এবং পরিষ্কার ঘোষণা দিয়া দেওয়ার নির্দেশ দিতেছেন—হে আমার নবী মুহাম্মাদ! ইতিপূর্বে যীশুর উন্মত্তেরা ভ্রান্ত পথে চলিয়া গিয়াছে। তাদের পাদ্রী-পুরোহিতগণ তাহাদিগকে শিরকবাদী মুশরিক বানাইয়া দিয়াছে,

তাহারা আসল খোদাকে বাদ দিয়া খোদার একত্ববাদের পথ ছাড়িয়া দিয়া ত্রিত্ববাদের পথ অবলম্বন করিয়াছে। যীশুকে তাহারা খোদার বেটা বানাইয়া, খোদা বানাইয়া লইয়াছে। আপনার উন্নতরা যাতে তদ্রূপ না করে তজ্জন্য আপনি পরিষ্কার ঘোষণা দিয়া দিন যে, আমি খোদার বেটাও নই, খোদাও নই।

আমার পূজা ও বন্দেগী করার জন্য আমি মানুষকে ডাকি না, আমি নিজেও আমার সৃষ্টিকর্তা, পালনকর্তা খোদার একজন পূজক। তাঁর সঙ্গে আমি অন্য কাউকে; আমাকেও নয়, অন্য কাউকেও নয়, আমি পূজার যোগ্য মনে করি না। অন্যান্য মানুষকেও আমি আমার সেই পরওয়ারদিগার এক খোদারই বন্দেগী করিতে ডাকি। তাছাড়া আমি অন্য কাউকে—আমাকেও নয়, যীশুকেও নয়, অন্য কাউকেও নয়; অন্য কাউকে পূজা করার দিকে ডাকি না।

হে আমার শেষ নবী মুহাম্মদ! দ্বিতীয় কথা আপনি পরিষ্কার ঘোষণা করিয়া দিন যে, আমি খোদা নই। তোমাদের অর্থাৎ মানুষের লাভ-লোকসানের মালিক, লোকসান করার, ভাল পথে আনার ক্ষমতা আমার নাই একমাত্র আছে এক আল্লাহর—ভাল পথ দেখানোর, ক্ষতির পথ বাতানের ক্ষমতা তো আমার আছে কিন্তু কারুর ক্ষতি করার বা কাউকে জোর-জবরদস্তি তার ইচ্ছার বিরুদ্ধে তাকে উপকারের পথে, ভাল পথে নিয়া আসার ক্ষমতা আমার নাই।

তৃতীয় কথা—আপনি আরও পরিষ্কার ঘোষণা দিয়া দিন যে, আমাকে আমার খোদার তরফ হইতে যে নির্দেশ এবং দায়িত্ব দেওয়া হইয়াছে তার বিন্দুমাত্রও ব্যতিক্রম যদি আমি করি, তবে আল্লাহর গণব এবং আযাব হইবে আমাকে রক্ষা করিতে পারে এমন কেউ নাই এবং আমার একমাত্র তাহার নিকট ছাড়া অন্য কোথাও কাহার কাছেও আশ্রয় স্থান নাই। যাহারা বলে অন্য কেউ মুক্তি বা আশ্রয় দিতে পারিবে যেমন পাদ্রীরা বলে—যীশু মুক্তি বা আশ্রয় দিতে পারিবে বা যীশুকে তাহারা ত্রাণকর্তা

বলে উহা সর্বের মিথ্যা কথা। মুক্তিদাতা, ত্রাণকর্তা অন্য কেউ নাই এক আল্লাহ্ ছাড়া। অবশ্য আমার অধিকার এবং আমার দায়িত্ব আল্লাহর আমানত বাণী ঠিক ঠিক, অবিকল যেমনটি তেমন পৌছাইয়া এবং প্রচার করিয়া দেওয়া এ ছাড়া ত্রাণকর্তা বা মুক্তিদাতা এক খোদা ছাড়া অন্য কেউই নয়, তবে একথাও জানিয়া রাখ যে, আমি আল্লাহর রাসূল। যে আল্লাহ্ বা আল্লাহর রাসূলের কথা লঙ্ঘন করিবে তার জন্য জাহান্নামের আগুনের আযাব নির্ধারিত রহিয়াছে চিরকাল, তাহার সেই আযাবের মধ্যে থাকিতে হইবে। তারা আমার সত্য-ঘোষণা এখন বিশ্বাস করুক আর না করুক, মানুষ আর না মানুষ কিন্তু যখন আখেরাতে স্বচক্ষে দেখিবে সেই আযাবকে—যে আযাবের ওয়াদা দেওয়া হইতেছে তাদের শিরক করার কারণে তখন তারা বুঝিতে পারিবে, জানিবে যে, তাদের কোন সাহায্যকারী নাই, তাদের কোন লোক-লঙ্কর নাই, যাদেরে তারা সাহায্যকারী বা লোক-লঙ্কর মনে করিতেছে তারা সে সময় কোনই কাজে আসিবে না।

হে আমার শেষ নবী মুহাম্মাদ সাল্লাল্লাহু আলাইহি ওয়াসাল্লাম! চতুর্থ কথা ইহাও পরিষ্কার ঘোষণা দিয়া দিন যে, তারা হয়ত বলিতে পারে বা ভাবিতে পারে—হাজার বছর অতীত হইয়া গেল আখিরাতের কথা আর আযাবের কথা গুনিতে গুনিতে, কিন্তু কই আখিরাত তো আসিল না? আপনি পরিষ্কার ঘোষণা করিয়া দিন, তাদের কথায় একটুও দমিবে না, বলিয়া দিন—আমি খোদা নই, আমি জানি না আখিরাত এবং আখিরাতের হিসাব, বিচার ও আযাব কবে আসবে; শীঘ্রই আসিবে? না আমার খোদা এর জন্য অনেক মুদত করিয়া রাখিয়াছেন—এটা জানা খোদার কাজ, আমার কাজ নয়; তবে আমি এতটুকু জানি এবং অটল বিশ্বাস করি যে, খোদার কথা, খোদার ওয়াদা অটল সত্য। আখিরাত এবং আখিরাতের হিসাব, বিচার, আযাব নিশ্চয়ই আসিবে। কিন্তু কখন, কতদিন পর এটা এক আলিমুল গায়েব ছাড়া অন্য কাহারও বলার ক্ষমতা নাই। আলিমুল

গায়েব তিনি এক খোদা ছাড়া অন্য কেউই নয়—তিনি তাঁর গায়েবের খবর অন্য কারো কাছে প্রকাশ করেন না।

অবশ্য যাহাদিগকে তিনি নিষ্পাপ রাসূল বাছনি করিয়াছেন তাহাদিগকে যত পরিমাণ ইচ্ছা করিয়া গায়েবের খবর দিয়াছেন, ওহী দিয়াছেন, কুরআন দিয়াছেন, হাদীস দিয়াছেন এ সবই তো গায়েবের খবর কিন্তু যত পরিমাণ গায়েবের খবর দিয়াছেন তাহার সহিত বিন্দুমাত্র মিথ্যার সংমিশ্রণ না হইতে পারে সে জন্য তিনি সবকিছু জানা সত্ত্বেও কত সতর্কতা অবলম্বন করিয়াছেন, যাতে মুহাম্মাদ সাল্লাল্লাহু আলাইহি ওয়াসাল্লাম সত্য ওহী বহনকারী, সত্য ফেরেশতাকে চিনিতে পারেন সেজন্য ওহী বহনকারী ফেরেশতার চতুর্দিকে পাহারাদার ফেরেশতাদের একদল পাঠাইয়া দিয়াছেন যাতে সত্য অবিমিশ্রিত সত্যরূপে সংরক্ষিত থাকিতে পারে। এই জন্যই কুরআন এবং হাদীস কিয়ামত পর্যন্ত অবিমিশ্রিত সত্যরূপে সংরক্ষিত থাকিতে পারে। এইজন্যই কুরআন এবং হাদীস কিয়ামত পর্যন্ত অবিমিশ্রিত সত্যরূপে বিদ্যমান রহিয়াছে এবং থাকিবে। রাসূলের কথার মধ্যে বিন্দু বিসর্গ মিথ্যা বা কল্পনা মিশ্রিত হইতে পারিবে না।

পাদ্রীগণ হযরত ঈসার এই দুনিয়া হইতে চলিয়া যাওয়ার পর হইতেই সত্য ধর্মকে সপ্তম শতাব্দী পর্যন্ত একেবারেই মিথ্যায় পরিণত করিয়া ফেলিয়াছিল। সেই জন্যই আব্বাহু কুরআন ও হাদীসের হেফাযতের এত কড়া এন্তেজাম করিয়াছেন। আব্বাহু যে এন্তেজাম করিয়াছেন তার বহির্বিকাশ আমরা দুনিয়াতেও দেখিতে পাই। কুরআন এবং হাদীসের সংরক্ষণের জন্য কত কারী, কত হাফেয, কত সাহাবা, কত তাবেয়ীন, কত তাবয়ে-তাবেয়ীন, কত মুজতাহিদীন, কত মুহাদ্দিসীন দুনিয়ার সব ভোগ-বিলাস, রাজ দরবারের আয়েশ-আরাম, পুরস্কার পরিত্যাগ করিয়া, কুল জীবন কুরবান করিয়া দিয়াছেন। এই জন্যই আমরা অন্য কোন মুসলমানই যার মধ্যে বিন্দুমাত্র ঈমান আছে সে কিছুতেই কুরআন হাদীস

ও ইজমায়ে সাহাবা, তাবেয়ীন, আইশ্বায়ে মুজতাহিদীন, আইশ্বায়ে মুহাদ্দিসীনের বিরুদ্ধে কোন ইতিহাস, কোন বিজ্ঞান, কোন দর্শনকে মানিতে প্রস্তুত নয়। কেনান এগুলি মানুষের কল্পনায় রচিত। পক্ষান্তরে কুরআন-হাদীস ও ইজমা আল্লাহর সুরক্ষিত।

ইজমার পর ইজতিহাদ। যদি সত্য শর্তসহ ইজতিহাদ হয় তবে সে ইজতিহাদও অনেক উচ্চ দরজার জিনিস কিন্তু ইজতিহাদ শর্ত অনুযায়ী সত্য ইজতিহাদ হওয়া চাই অর্থাৎ কুরআন-হাদীসের এবং ইজমার ভিত্তিকে ঠিক রাখিয়া সেই ভিত্তির উপর ইজতিহাদ হওয়া চাই নতুবা যে ইজতিহাদ আসল বস্তুকেই উড়াইয়া দেয় সে ইজতিহাদ ইজতিহাদ নয়, উহা পরগাছা এবং প্রবৃতি পূজা বৈ আর কিছুই নয়।

মানুষের পরিচয়

মানুষের পরিচয় : মানুষ ইতর প্রাণী নয়, ইতর প্রাণীর মধ্যে যেমন শূকর, কুকুর, গরু, গাধার মধ্যে কামরিপু, লোভ-রিপু আছে। যেমন কুকুরের মধ্যে, বিড়ালের মধ্যে লোভ রিপু আছে, শূকরের মধ্যে কামরিপু আছে কিন্তু তারা বুঝে না পরের জিনিস খাওয়া অন্যায়ে, অন্যের সঙ্গে ষেউ ষেউ করা অন্যায়ে, মা-ভগ্নির সঙ্গে কামরিপু চরিতার্থ করা অন্যায়ে এটা তারা বুঝে না এবং প্রবৃত্তিকে চেক দেওয়ার ক্ষমতাও তাদের নাই। কিন্তু মানুষের মধ্যে কুপ্রবৃত্তি ও প্রবণতা নাই। তার মধ্যে ন্যায়-অন্যায় বুঝবার জন্য এবং অন্যায়ের থেকে (চেক দেওয়ার) বাঁচার জন্য একটি বিবেকও আছে। এই বিবেকের কারণেই মানুষের এত মর্যাদা। আল্লাহ বলিয়াছেন—

وَلَقَدْ كَرَّمْنَا بَنِي آدَمَ

আমি মানুষকে সবচেয়ে বেশী সম্মান দান করিয়াছি এবং তাদের জন্য উত্তম ও উপাদেয় খাদ্য পয়দা করিয়াছি। সঙ্গে সঙ্গে যেমন মর্যাদা দেওয়া

হইয়াছে তেমন দায়িত্বও দান করা হইয়াছে। যারা এই দায়িত্ব ও মর্যাদা চিনে না তাদের বলা হয় আল্লাহর নাফরমান, কাফের বান্দা। আর যারা এই মর্যাদা রক্ষা করিয়াছে এবং দায়িত্ব পালন করিয়াছে তাদের বলা হয় আল্লাহর ফরমাবরদার, মুমিন বান্দা।

মুমিনের পরিচয়

মুমিন বান্দার কিছু পরিচয়, কিছু আখলাক ও সিফাত কুরআন পাকের দুই তিন জায়গা হইতে উদ্ধৃত করিতেছি—

وَعِبَادُ الرَّحْمَنِ الَّذِينَ يَمْشُونَ عَلَى الْأَرْضِ هَوْنًا وَإِذَا خَاطَبَهُمُ الْجَاهِلُونَ قَالُوا سَلَامًا .

আল্লাহর মুমিন নেক বান্দা যাহারা তাহারা (১) দুনিয়াতে অহংকার এবং ঔদ্ধত্য সহকারে জীবন যাপন করে না, তাহারা মানুষকে কষ্ট দেয় না, তাহারা নম্রভাবে জীবন যাপন করে।

(২) অজ্ঞ লোকেরা বা অসভ্য লোকেরা যখন তাহাদিগকে কটু কথা বলে তখন তাহাদের কথার উত্তর দেয় না, তাহারা নীরবে চূপ করিয়া শাস্তি বজায় রাখিয়া সেখান হইতে চলিয়া আসে।

(৩) তাহারা দিনের বেলায় মানুষের ঐরূপ ব্যবহার করে আর রাত্রে বেলায় তাহারা বেহুদা গল্প-গুজব করিয়া সময় নষ্ট করে না। তাহারা বন্দেগীতে আল্লাহর সামনে দণ্ডায়মান থাকিয়া এবং আল্লাহকে সিজদা করিয়া রাত কাটায়।

(৪) তাহারা আল্লাহর গোস্বাকে, আল্লাহর আযাবকে বড়ই ভয় করে। আল্লাহর কাছে কাঁদিয়া দোযখের আযাব থেকে বাঁচিবার জন্য বারবার এই বলিয়া দোয়া মাঙ্গিতে থাকে যে—

رَبَّنَا اصْرِفْ عَنَّا عَذَابَ جَهَنَّمَ إِنَّ عَذَابَهَا كَانَ غَرَامًا

হে খোদা! দোষখের আযাব বড়ই ভয়ের জিনিস, দোষখের আযাব হইতে আমাদের উদ্ধার কর ।

(৫) তাহারা সৎকাজে দান করে, গরীব-দুঃখীকে দান করে, বখিলি করে না, সাখাওয়াতি করে কিন্তু সীমার মধ্যে থাকিয়া, নিজের সামর্থ্য অনুসারে দান করে । একেবারে সবও দিয়া দেয় না, আবার বখিলিও করে না ।

(৬) তারা এক আল্লাহর বন্দেগী, এক আল্লাহর গোলামী করে । তাছাড়া অন্য কাউকে আল্লাহর সঙ্গে শরীক করে না, নফসের গোলামী করে না, শয়তানের গোলামী করে না, স্বার্থের গোলামী করে না, অর্থের গোলামী করে না, সম্মানের গোলামী করে না, শাহুওয়াতের গোলামী করে না, সংস্কারের গোলামী করে না, সরকারের গোলামী করে না, সরদারের গোলামী করে না, মনপূজা করে না, মায়াপূজা করে না, মজা পূজা করে না, কবর পূজা করে না, মাজার পূজা করে না, পীর পূজা করে না, পয়গম্বর পূজা করে না, ফেরেশতা পূজা করে না, দেবতা পূজা করে না, রাজা পূজা করে না, বাদশাহ পূজা করে না, একমাত্র এক আল্লাহর পূজা করে তাছাড়া অন্য কারুর পূজা করে না ।

(৭) তাহারা মানুষ হত্যা করে না, অবশ্য যে সব ক্ষেত্রে আল্লাহ মানুষ হত্যা জায়েয করিয়া দিয়াছেন । সে সব ক্ষেত্রে কথা স্বভঙ্গ ।

(৮) তাহারা নারীর সতীত্ব হরণ করে না, যিনা করে না । কারণ তাহারা জানে যে এই তিন প্রকারের পাপ, শিরক, মানুষ হত্যা, নারীর সতীত্ব হরণ; যে কেউ করিবে সে চিরকাল জাহান্নামের আযাব ভোগ করিবে ।

(৯) অবশ্য যাহারা খাঁটি তাওবা করিবে এবং পরে নেক আমল করিবে তাদের আল্লাহ ক্ষমা করিয়া দিবেন ।

(১০) তাহারা কখনো মিথ্যা সাক্ষ্য দেওয়া তো দূরের কথা, মিথ্যার কাছেও যায় না।

(১১) দুনিয়াতে বেহুদা কাজ অনেক আছে তাহারা যখন বেহুদা কাজের নিকট দিয়া হাঁটিয়া যায় তখন তাহাতে লিপ্ত হয় না। যাহারা লিপ্ত আছে তাহাদের সঙ্গে ঝগড়াও করে না, বরং তাহারা নেহায়েত গাণ্ডীর্থ সহকারে সেখান হইতে অন্যত্র চলিয়া যায়।

(১২) তাহাদিগকে যখন আল্লাহর কিতাব হইতে অথবা আল্লাহর সৃষ্ট জগত হইতে উপদেশ তুলিয়া আনিয়া উপদেশ দান করা হয়, নসীহত করা হয়, তখন তাহারা তা চিন্তা করিয়া গ্রহণ করে, অন্ধের মত, বধিরের মত তাহারা উপদেশদাতার প্রতি অবহেলা বা অবজ্ঞা প্রদর্শন করে না।

(১৩) তাহারা শুধু যে নিজেরাই সং ও ভাল হইয়াই ক্ষান্ত থাকিতে চায়—তাহা নয়। তাহারা চেষ্টা করে এবং আল্লাহর কাছে দোয়া চায় যেন তাহাদের ছেলে-মেয়ে, সম্ভান, পরিবার-পরিজন এবং শাগরীদগণ, মুরীদানগণ তারাও নেক এবং মুত্তাকী পরহেজগার হয়।

(১৪) তাহারা যদি কোন দেশের রাজত্ব পায়—

الَّذِينَ إِذَا مَكَنَّاهُمْ فِي الْأَرْضِ أَقَامُوا الصَّلَاةَ وَآتَوُا
الزَّكَاةَ وَأَمْرُوا بِالْمَعْرُوفِ وَنَهَوْا عَنِ الْمُنْكَرِ .

তবে সেখানে তাহারা মানুষ পূজা, মূর্তি পূজা মিটাইয়া দিয়া আল্লাহর নামায কায়ম করে, মালের যাকাত দান চালু করে, সৎকাজ জারী করে, বদকাজ বন্ধ করে, তাহারা আখেরাতের জীবনের কামিয়াবী ও উন্নতির আশায় নামাযকে খুব ভক্তি সহকারে আদায় করে। তাহারা বেহুদা সময় নষ্ট করে না, তাহারা পবিত্রের পবিত্রতা রক্ষা করিয়া চলে। তাহারা সংযম অভ্যাস করিয়া কামরিপুকে দমন করিয়া রাখে। অবশ্য বিবাহ করে বটে, কিন্তু বিবাহের বাহিরে কখনো বীর্য নষ্ট করে না বা কোন নারীর সতীত্ব

নষ্ট করে না বা কোন বালক-বালিকার সঙ্গে কু-কর্ম করিয়া বা হস্তমৈথুন করিয়া বীর্য নষ্ট করে না। তাহারা কখনো আমানতে খেয়ানত করে না বা অঙ্গীকার ভঙ্গ করে না, তাহারা সর্বদা আমানতের হেফাযত করে এবং অঙ্গীকার রক্ষা করে এবং তাহারা পাঞ্জেশানা নামাযের রীতিমত পাবন্দী করে।

ইসলাম বলে—এক আল্লাহর পূজা করতে। তাছাড়া মানুষ কু-প্রবৃত্তির বশবর্তী হইয়া যত প্রকার খোদা হক এবং মানুষের হক নষ্ট করে সবই মূর্তিপূজার শামিল। রাজনৈতিক নেতারা, ধর্মীয় নেতাদেরকে হাত করিয়া জনসাধারণকে গোমরাহ করার জন্য এবং জনসাধারণকে শোষণ করার জন্য যত প্রকার ফন্দি আটে সবই এক মূর্তি পূজা। মূর্তি পূজার মধ্যে নেতাদের আইনের অধীন হইতে হয় না, নেতারা শুধু জনসাধারণকে একটা কৃত্রিম আইনের গণ্ডীর মধ্যে রাখিয়া তাহাদেরে শোষণ করিতে চায়। পক্ষান্তরে ইসলাম যেহেতু আল্লাহর আইন, কাজেই আল্লাহর আইনের বেলায় নেতাগণ এবং মৌলভী, মাওলানা, পীরগণ এবং জনসাধারণ সকলেই সমানভাবে আল্লাহর আইন মানিতে বাধ্য। আল্লাহর আইনে শাসক শাসিতের পার্থক্য নাই। শাসকেরও আল্লাহর আইন মানিতে হইবে, শাসিতেরও আল্লাহর আইন মানিতে হইবে, পীর-মাওলানাদেরও আল্লাহর আইন মানিতে হইবে।

এই একমাত্র ইসলামের দ্বারা দুনিয়ার শান্তি এবং আখেরাতের মুক্তি লাভ হইতে পারে। তাছাড়া অন্য কোন মতবাদের মধ্যেই দুনিয়ার শান্তিও নাই আর পরকালের মুক্তি তো নাই-ই-নাই।

ইসলামই একমাত্র দুনিয়ার শান্তির এবং পরকালের মুক্তির গ্যারান্টি দিতে পারে তাছাড়া অন্য কেউই পারে না।

নাচিজ-

শামছুল হক

মানুষের পরিচয়

আব্রাহামা শামছুল হক ফরিদপুরী (রহ.)

আমার অপ্রকাশিত লেখাগুলো যেন মিটে না যায়—তোমাদের কলমে নকল করিয়া রাখিও । আমি যাহা কুরআন-হাদীসের ব্যাখ্যা লিপিবদ্ধ করিয়াছি, উহার রদ বদল করিও না—উহার একটা শব্দও আল্লাহ্‌র ইশারা না পাইয়া লিখি নাই, কোন কথা ছুটিয়া গেলে জীবনভর চেষ্টা করিয়াও আর পাইবা না ।

—মালফুযাতে হযরত ফরিদপুরী (রহ.)

বিসমিল্লাহির রাহমানির রাহীম

মানুষের পরিচয়

মানুষ সাধারণ জীব বা ইতর প্রাণী নয় বা বানর ইত্যাদি ইতর প্রাণী হইতে সৃষ্ট নয়। যাহারা বলে যে মানুষ বানর হইতে সৃষ্ট হইয়াছে বা মানুষ প্রথমে অসভ্য ছিল বা মানুষের কোন ধর্ম ছিল না, পরে মানুষেরা নিজেরাই নিজেরদের সংস্কার হইতে মনগড়া ধর্ম বানাইয়া নিয়াছে—এসব মিথ্যা কথা। অবশ্য মূর্তিপূজার ধর্ম—মানুষ আল্লাহর প্রেরিত সত্য ইসলাম ধর্ম ভুলিয়া গিয়া নিজেরা মনগড়া মতে গড়িয়া নিয়াছে।

মানুষকে আল্লাহ্ খাছ মর্যাদা এবং খাছ সম্মান দান করিয়া নিজের খাছ কুদরতের হাতের দ্বারা সৃষ্টি করিয়াছেন। পৃথিবীতে নিজের স্থলাভিষিক্ত কায়েম-মকাম খলীফা বানাইবার জন্য আল্লাহ্ মানুষকে সৃষ্টি করিয়াছেন। মানুষকে শুধু তার পেটের ক্ষুধা নিবৃত্ত করার জন্য, যৌন ক্ষুধা নিবৃত্ত করিবার জন্য বা খাটিবার জন্য সৃষ্টি করেন নাই।

আল্লাহ্ পাক ইরশাদ ফরমাইয়াছেন—

وَلَقَدْ كَرَّمْنَا بَنِي آدَمَ

আমি আদম সন্তানকে অর্থাৎ মানুষগণকে সবচেয়ে বেশী সম্মান ও মর্যাদা দান করিয়া সৃষ্টি করিয়াছি।

আবার ইরশাদ ফরমান—

وَرَزَقْنَاهُمْ مِّنَ الطَّيِّبَاتِ

তাহাদের জন্য উত্তম উপাদেয়, সুস্বাদু, পবিত্র খাদ্য তৈয়ার করিয়াছি।
অন্যত্র ফরমাইয়াছেন—

اِنِّىْ جَاعِلٌ فِى الْاَرْضِ خَلِيْفَةً۔

আমি পৃথিবীতে মানুষকে আমার কায়েম-মকাম খলীফা করার জন্য
সৃষ্টি করিয়াছি।

সমস্ত সৃষ্টির দ্বারা এমনকি সৃষ্টির শ্রেষ্ঠ ফেরেশতাদের দ্বারা মানুষকে
সিজদা করাইয়াছি। অর্থাৎ সবই মানুষের সেবার জন্য আমি সৃষ্টি
করিয়াছি।

خَلَقْنَاۙ بِاٰیٰدِنَاۙ فَلَمَّا سَوَّيْتُهُۥ فَفَعَلُوۙا لَهٗۙ سٰجِدِيْنَ۔

আম্মার নিজের খাছ কুদরতের হাতের দ্বারা আমি মানুষকে সৃষ্টি
করিয়াছি যখন তার সৃষ্টির কাজ সম্পূর্ণ সম্পন্ন হইয়া যায় তখন তোমরা
সকলে তাহাকে সিজদা করিবে, তার সেবার কাজ স্বীকার করিয়া নিয়া
তার সেবার কাজে সকলে আত্মনিয়োগ করিবে।

এইসব আয়াতের মধ্যে আল্লাহ্ মানুষের মর্যাদা প্রকাশ করিয়াছেন।
কিন্তু মর্যাদার অর্থই দায়িত্ব। কারণ বিনা দায়িত্ব পালনে কাহারও মর্যাদা
হাসিল হয় না। মানুষকে যে দায়িত্ব দেওয়া হইয়াছে সে দায়িত্ব যদি সে
পালন করে তবে সে নিশ্চয়ই মর্যাদা পাইবে আর যদি সে তার
বিবেক-বুদ্ধি-শক্তির, ইচ্ছাশক্তির, কর্মশক্তির সদ্যবহার না করে
অপব্যবহার করে তবে সর্বনিকৃষ্ট জাহান্নামের কীটে পরিণত হইবে। এ
কথাও আল্লাহ্ তা'আলা বলিয়া দিয়াছেন—

ثُمَّ رَدَدْنٰهُۥ اَسْفَلَ سٰفِلِيْنَ۔

মানুষকে আমি সর্বোৎকৃষ্ট করিয়া সৃষ্টি করিয়াছি কিন্তু সে যদি তার
দায়িত্ব পালন না করে তবে সে সর্বনিকৃষ্ট জাহান্নামের কীটে পরিণত
হইবে।

মানুষের ঘাড়ে বহুবিধ দায়িত্বের বোঝা চাপানো হইয়াছে। প্রথম দায়িত্ব মানুষকে সর্বপ্রথম তার আল্লাহকে চিনিতে হইবে এবং এক আল্লাহর দাসত্ব গ্রহণ করিয়া আল্লাহর বন্দেগী করিতে হইবে। অন্য কাহারও বন্দেগী-আরাধনা উপাসনা বা অন্য কাহারও নিকট কিছু প্রার্থনা সে করিতে পারিবে না।

দ্বিতীয় দায়িত্ব তার ঘাড়ে চাপানো হইয়াছে—তার ক্ষণস্থায়ী জীবনের রুজিও তার নিজেই কামাই করিতে হইবে। দয়ার নবী ইরশাদ ফরমান—

طَلَبُ الْحَلَالِ وَاجِبٌ عَلَى كُلِّ مُسْلِمٍ (طبرانی)

হালাল রুজি উপার্জন করার জন্য চেষ্টা করা প্রত্যেক মুসলমানের উপর ফরয। আখেরাতে চিরস্থায়ী জীবনের রুজিও তার এই দুনিয়া হইতেই উপার্জন করিয়া নিতে হইবে—আবার এই উভয় প্রকার রুজি উপার্জনে পরের হক সে কোন ক্ষেত্রেই নষ্ট করিতে পারিবে না। আল্লাহ বলিয়াছেন—

إِنَّ الْإِنْسَانَ لِفِي خُسْرٍ إِلَّا الَّذِينَ آمَنُوا وَعَمِلُوا الصَّالِحَاتِ وَتَوَّأَوْا بِالْحَقِّ وَتَوَّأَوْا بِالصَّبْرِ۔

অর্থাৎ মানুষ যদি তার দায়িত্ব পালন না করে, আল্লাহকে না চিনে, আল্লাহকে না মানে, আল্লাহর নির্দেশ, রাসূলের আদর্শ অনুসারে সৎ কাজ না করে, সৎ জীবন যাপন না করে, মানুষকে হকের উপর, সত্যের উপর কষ্ট সহ্য করিয়া, ধৈর্য ধারণ করিয়া ছাবেত কদম থাকার জন্য হিতোপদেশ দান করিয়া, হক কথা কহিয়া মানুষের উপকার না করে, তবে মানুষের জীবন নিশ্চয়ই ব্যর্থতায় পরিপূর্ণ এবং পূর্ণ ক্ষতিগ্রস্ত হইবে।

সংসার পরিত্যাগ করিয়া ধর্ম করা ধর্ম নয়-ধর্মের ভান। কর্মক্ষেত্রে থাকিয়া ধর্মের অনুশাসন পালন করাই প্রকৃত ধর্ম। মানুষকে সৃষ্টি করিয়া দুনিয়াতে পাঠানোর সাথে সাথেই আল্লাহ তা'আলা মানুষের জন্য সভ্যতার এবং ধর্মের বিধান প্রেরণ করিয়াছেন। আল্লাহর বিধানগুলি সবই একে অন্যের সমর্থক ও পরিপূরক। আল্লাহর এক কিতাবের সঙ্গে আর এক কিতাবের আদৌ কোন বিরোধ বা সংঘর্ষ নাই।

দুষ্ট স্বার্থপর মানুষেরা, রাজনৈতিক নেতারা এবং ধর্মীয় নেতারা একযোগে মিলিয়া আল্লাহর পূর্ববর্তী কিতাবগুলিকে বিকৃত এবং ধর্মকে পরিবর্তিত করিয়া ফেলিয়াছে। সেজন্য আল্লাহ সর্বশেষ নবীর কাছে যে সর্বশেষ কিতাব ও ধর্ম পাঠাইয়াছেন ইহাকে যাহাতে কেউ পরিবর্তিত বা বিকৃত না করিতে পারে সেজন্য ইহার সংরক্ষণের ভার নিজেই লইয়াছেন।

কুরআন মজীদে ঘোষণা দিয়াছেন—

إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ۔

অর্থাৎ এই ধর্ম (শেষ নবীর শেষ ধর্ম কুরআন এবং হাদীস) আমিই প্রেরণ করিয়াছি, ইহা অন্য কেউ রচনা করে নাই এবং আমিই ইহার হেফায়তের ও সংরক্ষণের ভার নিয়াছি।

তৃতীয় দায়িত্ব মানুষের মিথ্যা ধোঁকার চক্রান্ত হইতে বাঁচিয়া থাকিয়া আল্লাহর খেলাফতের হুক আদায় করা, কুরআন-হাদীসের সত্যিকার শিক্ষা জারী করা এবং সত্যিকার ইনসাফ কায়েম করা। দুর্বলের হুক নষ্ট না হইতে দেওয়া, সবলেরা যেন দুর্বলের হুক নষ্ট না করিতে পারে, নারীকে বেপর্দায় আনিয়া ভোগের বস্তু না বানাইতে পারে, ইয়াতীম, বিধবা, দরিদ্রদের অন্ন, বস্ত্রের বা অন্যের জুলুমের কষ্ট ভোগ না করিতে হয়, কাহারও সুশিক্ষার, সুচিকিৎসার এবং সদুপায়ে রুজি উপার্জনের পথ বন্ধ না হয়—পুঁজিপতিরা পুঁজিহীনদেরে শোষণ এবং ক্ষমতাসালীরা নিরীহ

দুর্বলদের দমন-শাসন না করিতে পারে বরং ধনী-দরিদ্র নির্বিশেষে সকলেই যেন সুবিচার পায়। সারকথা এই যে, মানুষকে স্বাধীন বিবেক, স্বাধীন ইচ্ছাশক্তি, স্বাধীন কর্মশক্তি দেওয়া হইয়াছে তাহার দায়িত্ব অনেক বেশী। যে যতবড় তার দায়িত্বও তত বেশী। দায়িত্ব পালন করিলেই সে তার মর্যাদা রক্ষা করিতে পারে নতুবা নয়।

নারীর গুরুত্ব

আল্লাহর সৃষ্টি রহস্য এই যে, সব জীবজন্তুকে, সব চিজ-বস্তুকে জোড়ায় জোড়ায় পয়দা করিয়াছেন। এক এবং একক শুধু এক আল্লাহ তাছাড়া সবই জোড়ায় জোড়ায়। সব জিনিস জোড়ায় জোড়ায় পয়দা হওয়া ইহাই আল্লাহর সাধারণ প্রাকৃতিক নিয়ম। কিন্তু জোড়া পয়দা হওয়ার পূর্বে তিনি তাঁহার খাছ কুদরতে প্রথম মানুষটিকে, প্রথম জিনিসটিকে পয়দা করিয়াছেন। তারপর জোড়া পয়দা করিয়াছেন এবং জোড়ায় পয়দা হওয়ার সাধারণ প্রাকৃতিক নিয়ম করিয়া দিয়াছেন।

আল্লাহর প্রাকৃতিক নিয়ম অন্য কেউই ভঙ্গ করিবার ক্ষমতা রাখে না। অবশ্য আল্লাহর সে ক্ষমতা আছে। তিনি যেমন বিনা মাঁ-বাপে আদমকে পয়দা করিয়াছেন তদ্রূপই বিনা জোড়ায় বিনা বাপের মিলনে শুধু মার পেটে হযরত ঈসা (আ.)-কে পয়দা করিয়াছেন। ইহা আল্লাহর সাধারণ প্রাকৃতিক নিয়মের উর্ধ্বের কথা। কিন্তু আল্লাহর সাধারণ প্রাকৃতিক নিয়ম এই যে, জোড়ার মিলন ব্যতিরেকে কোন জিনিসই, কোন জীবনই, কোন মানুষই পয়দা হইতে পারে না। অন্যান্য চিজবস্তু, জীবজন্তু এবং মানুষের মধ্যে পার্থক্য এই যে, অন্যান্য চিজবস্তু, জীবজন্তুর জন্য যেমন সামাজিক জীবন নাই তেমন পারিবারিক জীবনও নাই; তাদের জোড়া বাধা নাই। যে কোন থেকে তারা জোড়ার মিলন করিতে পারে। কিন্তু মানুষকে যেহেতু বিশেষ মর্যাদা দান করা হইয়াছে সেজন্য তাকে বিশেষ শর্তাবলী ও

নিয়মালীর বন্ধনে এবং দায়িত্বেও আবদ্ধ করা হইয়াছে। বিশেষ মর্যাদা সহকারে একজন পুরুষের সহিত একজন নারীর বিবাহ বন্ধনে আবদ্ধ হইতে হইবে, উভয়ে উভয়ের যথেষ্ট দায়িত্বের বোঝা গ্রহণ করিতে হইবে তবেই একজন নারীর সঙ্গে একজন পুরুষের মিলন সম্ভব হইবে। এইরূপ আল্লাহর নির্ধারিত, নিয়ন্ত্রিত শরীয়তের বিশেষ বিবাহ বন্ধন ব্যতিরেকে নারী-পুরুষের মিলন হইলে তাহা হইবে মানুষকে তার মর্যাদার আসন হইতে পশুত্বের স্তরে নামাইয়া দেওয়া। কাজেই ইহা কঠোর শাস্তির উপযুক্ত, ভীষণ পাপ এবং সাংঘাতিক অপরাধ।

স্ত্রীদের অধিকার

আল্লাহর শরীয়তের খাছ নিয়ম অনুসারে একজন পুরুষ একজন নারীর বিবাহ বন্ধনের দ্বারা একটি পরিবার সৃষ্টি হয়। পরিবারে একজন নেতার দরকার। পরিবারের নেতা হইবেন স্বামী—

الرِّجَالُ قَوَّامُونَ عَلَى النِّسَاءِ -

স্ত্রীদের উপর স্বামীরাই হইবেন অধিনায়ক। কিন্তু স্ত্রী যদিও স্বামীর অধিনস্থা হইবে তবুও সে দাসী হইবে না বা ভোগের বস্তু হইবে না। তাহারও যথেষ্ট দায়িত্ব এবং অধিকার থাকিবে।

وَلَهُنَّ مِثْلُ الَّذِي عَلَيْهِنَّ بِالْمَعْرُوفِ وَلِلرِّجَالِ عَلَيْهِنَّ دَرَجَةٌ

যদিও স্ত্রীদের চেয়ে স্বামীগণ উপরের দরজায় থাকিবেন কিন্তু তবুও স্ত্রীগণের যেমন দায়িত্ব থাকিবে তেমনই তাদের সমভাবে প্রাপ্যও থাকিবে। সে প্রাপ্য তাদের বুঝাইয়া দিতে হইবে। এছাড়াও আল্লাহ বলিয়াছেন—

وَعَاشِرُوهُنَّ بِالْمَعْرُوفِ

হে স্বামীগণ! যদিও তোমাদের উচ্চ দরজা দান করা হইয়াছে কিন্তু খবরদার! তোমরা অবশ্য স্ত্রীগণের সঙ্গে কঠোর বা কটু বা খারাপ ব্যবহার করিবে না। আল্লাহর প্রতিনিধি হযরত রাসূলুল্লাহ সাল্লাল্লাহু আলাইহি ওয়াসাল্লাম নিজে স্ত্রীগণের সঙ্গে ব্যবহার করিয়া দেখাইয়া দিয়া গিয়াছেন। বলিয়াছেন—

خيركم خيركم لاهله وانا خيركم لاهلى

তোমাদের মধ্যে সবচেয়ে ভাল মানুষ সেই যে তার স্ত্রীর সঙ্গে ভাল ব্যবহার করে। আমি আমার স্ত্রীর সঙ্গে সহ্যের ব্যবহার, ভাল ব্যবহার করিয়া থাকি। অতএব তোমাদের অদ্রুপ করা উচিত।

নারীর দায়িত্ব পুরুষের দায়িত্বের চেয়ে ভিন্ন প্রকারের এবং নারীর অধিকারও পুরুষের অধিকারের চেয়ে ভিন্ন প্রকারের। কিন্তু ভিন্ন প্রকারের হইলে সে দায়িত্বের এবং সে অধিকারের গুরুত্ব কোন অংশেই কম নয়। পুরুষের দায়িত্বের ও অধিকারের চেয়ে বেশী গুরুত্বপূর্ণ না হইলেও সমান গুরুত্বপূর্ণ নিশ্চয়ই।

নারীর দায়িত্বও কোন অংশেই পুরুষের দায়িত্বের চেয়ে কম গুরুত্বপূর্ণ নয়, নারীর প্রাপ্যও কোন অংশেই পুরুষের প্রাপ্যের চেয়ে কম গুরুত্বপূর্ণ নয়। দায়িত্ব এবং প্রাপ্য এক প্রকারের নয়, ভিন্ন রকমের। কিন্তু ভিন্ন রকমের হইলেও সমান গুরুত্বপূর্ণ। ইহাকেই বলে নারী ও পুরুষের সমান অধিকার। এ অর্থ নয় যে উভয়ের কর্মক্ষেত্র এক, দায়িত্ব ও প্রাপ্য-একই প্রকারের, সে অর্থ নয়।

নারী যেহেতু মা অর্থাৎ মানুষ উৎপাদনকারিণী, নারী যেহেতু জীবন সঙ্গিনী, শান্তিদায়িনী। কাজেই বলিতে গেলে গোটা সমাজেই উন্নতি, শ্রীবৃদ্ধি নির্ভর করে নারীর দায়িত্ব পালনের উপর। ঠিক নারী যদি ঠিক-ঠিকভাবে মানব সন্তান উৎপাদনকারিণী মার দায়িত্ব এবং শান্তিদায়িনী

জীবন সঞ্জিনীর দায়িত্ব ঠিকভাবে পালন করে তবেই সমাজ সৌধ ঠিকভাবে কায়েম থাকিতে পারে। নতুবা মা যদি সুসন্তান উৎপাদনের পরিবর্তে কু-পুত্র উৎপাদন করে, জীবন সঞ্জিনী যদি শান্তি দানের পরিবর্তে অশান্তির কারণ হয় তবে তার চেয়ে দুর্ভাগ্য আর নেই। নারী খারাপ হইলে পরিবার খারাপ হইবে। পরিবার খারাপ হইলে সমাজ খারাপ হইবে। সমাজ খারাপ হইলে জাতি খারাপ এবং ধ্বংস হইবে।

নারীর প্রধান দায়িত্ব

নারীর প্রধান দায়িত্ব হইল এই যে, তার স্বামীর পক্ষে তার শান্তিদায়িনী জীবন সঞ্জিনী হইতে হইবে। তার প্রধান দায়িত্ব সতীত্ব রক্ষা এবং পতিভক্তি।

নারী যদি তার চেহারা অন্য পুরুষকে দেখাইয়া নারী-পুরুষের মধ্যে যে সৃষ্টিগত আকর্ষণ আছে সেই আকর্ষণী শক্তির দ্বারা নিজের চেহারা অন্য পুরুষকে দেখাইয়া অথবা অন্য পুরুষের সঙ্গে মেলামেশা করিয়া অন্য পুরুষকে নিজের দিকে আকৃষ্ট করে অথবা নিজে অন্য পুরুষের দিকে তাকায় তবে সে নারী হইবে অশান্তি সৃষ্টিকারিণী, স্বামীর মনে তীর বিদ্ধকারিণী। ঠিক এইভাবে স্বামীও যদি অন্য স্ত্রীর দিকে তাকায় তবে সে স্বামীও হইবে স্ত্রীর মনে তীর বিদ্ধকারী। মানুষের মনস্তত্ত্বের জ্ঞাতা আল্লাহ্ যেমন তেমন আর কেউই নয়। এই জন্য আল্লাহ্ নারীর দায়িত্ব নির্ধারিত করিয়াছেন।

وَلَا يَبْدِينَ زِينَتَهُنَّ

নারীরা যেন তাদের সৌন্দর্য অন্য পুরুষকে না দেখায়, ইহারই নাম পর্দা। এই পর্দা প্রত্যেক নারীর উপর ফরয। নারীর এই ফরযটি পালন করা এতই গুরুত্বপূর্ণ এবং এতই জরুরী যে আল্লাহ্ তা'আলা আরও বলিয়াছেন—

উপরোক্ত ফরয পর্দা পালন সত্ত্বেও যদি পথে ঘাটে বা বাড়িতে ভিন্ন পুরুষের সঙ্গে সামনা-সামনি হয় নারীও চক্ষু নিম্নদিকে রাখিবে, ভিন্ন পুরুষের চেহারার দিকে তাকাইবে না এবং পুরুষও চক্ষু নিম্নদিকে রাখিবে ভিন্ন স্ত্রীলোকের চেহারার দিকে তাকাইবে না। নারীর এই ফরয দায়িত্ব পালন করা একান্ত দরকার। অন্যথায় এই একটি ফরয পালন না করার কারণে হাজার হাজার ফরয তরক হইবে এবং জাতি ধ্বংস হইবে।

এই জন্যই আল্লাহ্ স্বয়ং নারীকে ইহাও আদেশ করিয়াছেন যে, তোমরা বাড়ির মধ্যে থাকিয়া, তোমাদের কর্মক্ষেত্র বাড়ির মধ্যেই সীমাবদ্ধ থাকিবে। তোমরা বাড়ি ত্যাগ করিয়া পথে-বাজারে, হাটে-মাঠে বাহির হইলে সমাজ ধ্বংস হইয়া যাইবে। যদি জরুরতবশত কোন সময় পথে বাহির হইতে হয় তবে ঘোমটা দিয়া মুখ ঢাকিয়া বা বোরখা পরিয়া বাহির হইবে এবং যাতে কোনরূপ বেপর্দা না হইতে পারে সে জন্য অস্ত্রে পা রাখিয়া রাস্তার এক পাশ দিয়া হাটিবে। জোরে পা মারিয়া বুকটান করিয়া খোলা মাথায় হাটিবে না। এইসব নিয়ন্ত্রণ পুরুষদের পক্ষ হইতে নিয়ন্ত্রিত হয় নাই বরং স্বয়ং আল্লাহ্ তা'আলা যিনি নারীর স্তনে দুধ, নারীর গর্ভে সন্তান সৃষ্টি করিয়াছেন—পুরুষকে এই দিক দিয়া নিম্নে রাখিয়াছেন সেই মহান আল্লাহ্র নিয়ন্ত্রণ। এ নিয়ন্ত্রণ, এ ফরয সকলেই পালন করিতে বাধ্য, যে পালন না করিবে সে নিজেও অভিশপ্ত হইবে এবং সমাজকেও অভিশপ্ত করিবে।

নারীর দ্বিতীয় প্রধান দায়িত্ব হইল তার উত্তম সন্তান উৎপাদনকারিণী, উত্তম মাতা হইতে হইবে। যে নারী অন্য পুরুষের সঙ্গে মেলামেশা, দেখাশোনা করিবে বা পথে ঘাটে ঘোরাঘুরি করিবে সে নারীর গর্ভে কখনো সুসন্তান জন্মগ্রহণ করিবে না। অথচ নারী জাতির সর্বপ্রধান কর্তব্য এবং দায়িত্ব হইল উত্তম মাতা হইয়া সমাজের জন্য সুসন্তান তৈয়ার করা। অতএব বে-পর্দা হওয়া নারীর জন্য সবচেয়ে বড় মহাপাপ।

নারীর তৃতীয় সবচেয়ে বড় দায়িত্ব হইয়াছে স্বামীর সংসার রক্ষণাবেক্ষণ এবং সন্তান পালন। এই দুইটি কাজই সমাজের জন্য অত্যন্ত জরুরী। স্বামীর সংসার স্ত্রী রক্ষণাবেক্ষণ না করিলে স্বামীর সংসারই নষ্ট হইয়া যাইবে। মা সন্তান পালনের কষ্ট সহ্য করার দায়িত্ব গ্রহণ না করিলে সন্তান মানুষের সন্তান হইবে না, পশুর সন্তান হইবে।

মা-বাপের, ছেলে-মেয়ের সঙ্গে, ভাই-বোনের সঙ্গে স্থায়ীভাবে, নিঃস্বার্থভাবে পরস্পর একটা দয়া-মায়ার ভাব থাকা দরকার। দয়া-মায়ার দ্বারাই মানুষের সমাজ ও পরিবার পরিচালিত হয়, নতুবা পশুর জীবনে এবং মানুষের জীবনের কোন পার্থক্য থাকে না।

درد دل کے واسطے پیدا کیا انسان کو

ورنہ طاعت کے لئے کچھ کم نہ تھے کرو بیان

একে অন্যের সঙ্গে দয়া-মায়ার ব্যবহার করিবে, একে অন্যের ব্যথায় ব্যথিত হইয়া একে অন্যের সহানুভূতি, সাহায্য, উপকার ও সেবা করিবে। এই জন্যই আমি মানুষ পয়দা করিয়াছি নতুবা শুধু আমার ইবাদত করানো উদ্দেশ্য হইলে তার জন্য ফেরেশতা বহুত ছিল। এই জন্যই মানুষের দায়িত্ব, কর্তব্য ও ইবাদত-বন্দেগী দ্বিবিধ-বিশ্ব প্রভুর আরাধনা এবং বিশ্ব মানবের কল্যাণ কামনা।

নারী যদি উত্তম মাতা না হয়, সন্তান পালনের কষ্ট সহ্য না করে, স্বামীর সংসারের রক্ষণাবেক্ষণ না করে তবে নারীর জীবন বৃথা। এই জন্য যেহেতু নারীর কর্মক্ষেত্র সম্পূর্ণ পৃথক, কাজেই নারীর শিক্ষাও সম্পূর্ণ পৃথক হওয়া দরকার। আজকাল আমাদের দেশে যে গডডালিকা প্রবাহ চলিয়াছে, সহ-শিক্ষার স্রোত এবং যুবক-যুবতীদের অবাধ মেলামেশা চলিয়াছে, ইহা শুধু যে মহাপাপ তাহাই নয় ইহা জাতির জন্য মহা ধ্বংসাত্মক।

পত্নীর ভরণ-পোষণ এবং ইজ্জত-সম্মান রক্ষণাবেক্ষণের দায়িত্ব স্বামীর জিম্মায়। পত্নীর জিম্মায় নিজের আর্থিক দায়িত্ব নাই, সম্মানের আর্থিক দায়িত্বও নাই।

নারী যদি বিধবা হয় তবে তার গার্জিয়ান তার পিতা হইবে বা পিতা না থাকিলে তার ভাই হইবে। ছেলে-মেয়ে যদি ইয়াতীম হয় তাদের গার্জিয়ান তাদের দাদা হইবে। যদি সম্পত্তি না থাকে তবে সকলের গার্জিয়ান হুকুমত হইবে। হুকুমত বায়তুল মাল হইতে অর্থাৎ সমাজের মুশতারাক ফান্ড হইতে তাদের ভরণ-পোষণ রক্ষণাবেক্ষণ করিবে।

সমাজের নেতৃত্বের দায়িত্ব নারীর জিম্মায় নাই, ইহা পুরুষের জিম্মায়, এই জন্যই জামায়াত জুমুআও নারীর জিম্মায় নাই, তাহারা ঘরের অন্দর কুঠরীতে নামায পড়িবে।

কতকগুলি দায়িত্ব নারী পুরুষের মুশতারাক (শরীকি), কতকগুলি পৃথক।

لَا تَزْرُوا وَاِزْرَةَ وَاِزْرَةَ اٰخَرٰى

একজন অন্য জনের দায়িত্বের বোঝা-দুনিয়ার দায়িত্বের বোঝাও এবং আখেরাতে দায়িত্বের বোঝাও একজন অন্যজনের দায়িত্বের বোঝা বহন করিবে না প্রত্যেকেরই আপন আপন দায়িত্বের বোঝা বহন করিতে হইবে—

لَهَا مَا كَسَبَتْ وَعَلَيْهَا مَا اكْتَسَبَتْ

প্রত্যেক মানুষ যা কিছু সংকর্ম এবং সং চেষ্টা করিবে; তার ফলের সেই মালিক হইবে এবং যা যা অপকর্ম বা অপচেষ্টা করিবে তার জন্য দায়ীও সে-ই হইবে। অন্য কেউই হইবে না।

لَيْسَ لِاِنْسَانٍ اِلَّا مَا سَعٰى

মানুষ চাই দুনিয়ার সম্পত্তি হোক আর আশেরাতের সম্বল হোক, যে যা চেষ্টা করিবে প্রত্যেকেই নিজ নিজ চেষ্টার ফলের মালিক নিজেই হইবে। একজনের চেষ্টা অন্যজনে করিবার দায়িত্ব নাই এবং চেষ্টা ব্যতিরেকে কেউ ফলের অধিকারী হইবে না।

كُلُّ نَفْسٍ بِمَا كَسَبَتْ رَهِينَةٌ

স্ত্রী, পুরুষ নির্বিশেষে সব মানুষের যে যা করিবে তার জন্য দায়ী সে-ই হইবে। কিন্তু এইগুলি সাধারণ নিয়ম, আল্লাহর কুরআনে নির্ধারিত করিয়া দেওয়া হইয়াছে। অক্ষমতার কারণে বা অন্য কোন কারণে যদি একজনের দায়িত্বের বোঝা অন্যজনের উপর পড়ে তার জন্য স্বতন্ত্র কানুন আছে—ইয়াতীম, অক্ষম, অন্ধ, খঞ্জ, অচল, বৃদ্ধ, রুগ্ন ইত্যাদি এদের দায়িত্ব সমাজের উপর এবং হুকুমতের উপর। হুকুমতের কাছে সমাজের যে মুশতারাক ফান্ড বায়তুল মাল থাকিবে তথা হইতে তাদের ভরণ-পোষণ ইত্যাদি ব্যয় বহন করার বিধান। এ বিধান পালন করা দরকার, ডিম্ফা-বৃন্তির দ্বারা সমাজকে কলঙ্কিত করা উচিত নয়। এই জন্যই স্ত্রীর সুখ-সুবিধার সব জিম্মাদারী ও দায়িত্ব তার স্বামীর উপর, অবশ্য স্বামী যদি অন্যায় করে তবে সে অন্যায়ের জন্য স্ত্রী বিচার চাহিতে পারিবে এবং সুবিচার পাইবে। কিন্তু নারীর জিম্মায় সামাজিক দায়িত্ব নাই প্রত্যেক নারীই তার স্বামীর গৃহের বাসী। ঘাটে-মাঠে, হাটে-বাজারে, দরবারে ধাক্কা খাইয়া বেড়ামো এবং পারিবারিক জীবনকে ধ্বংস করিয়া দেওয়া নারীর জন্য মহাপাপ। অবশ্য বিশেষ কোন কারণে বিশেষ যোগ্যতা সম্পন্ন কোন নারী তার পর্দার মর্যাদা রক্ষা করিয়া এবং পারিবারিক জীবন নষ্ট না করিয়া যদি তার বিশিষ্ট জ্ঞানের দ্বারা সমাজের কোন উপকার করিতে পারে তবে তাহাও সাধারণ নিয়মের ব্যতিক্রম রূপে জায়েয আছে, নিষিদ্ধ নয়।

স্বামী এবং স্ত্রী উভয় মিলিয়া একটি পূর্ণ মানুষ গঠিত। নতুবা প্রত্যেকেই অপূর্ণ, কারণ একটি পুরুষ স্ত্রী ব্যতিরেকে অথবা একটি নারী একটি স্বামী ব্যতিরেকে আর একটি মানুষের বাচ্চা পয়দা করিতে পারে না।

নারীর অমর্যাদার নানাবিধ কু-প্রথা অধুনা পাশ্চাত্য কু-শিক্ষা ও বর্বরতার ফলে বাংলাদেশে (তদানীন্তন পূর্ব পাকিস্তান ও পশ্চিম পাকিস্তান) চালু হইয়া পড়িয়াছে। তন্মধ্যে কয়েকটি সমাজের জন্য এবং জাতির জন্য সাংঘাতিক মারাত্মক। যেমন পুরুষের জন্য Inferiority রোগে রোগগ্রস্থ বিজাতীয়, বিধর্মীয় মিথ্যার প্রতীক নেকটাই গলায় পরিধান করা এবং নারীর জন্য সহ-শিক্ষায় যোগদান করিয়া যুবক-যুবতী অবাধ মেলামেশা করা। আল্লাহর কুরআনে রাসূলের শরীয়তে বিধান করা হইয়াছে যে, 'পুরুষ হইবে উপার্জনশীল এবং সে অর্থ উপার্জন করিয়া মোহর, যেওর এবং ভরণ-পোষণ ও ব্যয় বহনের ভার গ্রহণ করিয়া মর্যাদা সহকারে একটি মেয়েকে বিবাহ করিয়া নিজের বাড়িতে আনিবে এবং বাড়িতে আনিয়া তার মান-ইচ্ছত, ভরণ-পোষণ সসম্মানে, সন্নেহে তাকে দান করিবে।' কিন্তু অধুনা শিক্ষিত নামীয় অশিক্ষিত, ভদ্র নামে অভদ্র, সভ্য নামীয় অসভ্য, সমাজে ধর্মের বিরুদ্ধে, ইসলামের বিরুদ্ধে, বিবেকের বিরুদ্ধে, সমাজকে, জাতিকে ধ্বংস করার জন্য এই কু-প্রথা, ব্যাপকভাবে জারী হইতে দেখা যাইতেছে যে—মেয়ে বিবাহ দিতে গেলেই জামাইকে অনেক অনেক টাকা, অনেক অনেক সামান, গাড়ি, বাড়ি, ট্রাজিক্টার, টেলিভিশন, যেওর, কাপড় ইত্যাদি দিতেই হইবে। তাছাড়াও আরও টাকা দিতে হইবে, হয়ত পড়ার খরচের ভান করিয়া হইলেও টাকা দাবী করিবে। ইহা অতি জঘন্য প্রথা, ইহা সমাজের পক্ষে অভিশাপ। ইহার দ্বারা যেমন একদিকে শরীয়তে মুহাম্মাদিয়াকে পাল্টাইয়া ফেলানো হইতেছে তেমনই অন্য দিকে নারী জাতির অমর্যাদার পরাকাষ্ঠা দেখানো হইতেছে, যেন জামাতা মেয়েকে চায় না সে চায় টাকাকে,

মেয়ের যেন কোন মান-মর্যাদা, মূল্যই তার কাছে নাই। তাছাড়া সমাজে ধনীর সংখ্যা কম, গরীবের সংখ্যাই সর্বদা সর্বকালে বেশী থাকে। গরীবদের জন্য মেয়ে বিবাহ দেওয়া দুষ্কর হইয়া উঠিয়াছে। বিবাহ দুষ্কর যে সমাজে হইবে, সে সমাজে ব্যভিচার ছড়াইবে। ব্যভিচার ছড়ানোর অর্থই দুনিয়াতে সমাজ ও জাতি ধ্বংস হইয়া যাওয়া এবং পরকালে, আখেরাতে কঠোর, ভীষণ শাস্তির উপযুক্ত হইয়া জাহান্নামের কাষ্ঠ হওয়া। এই মহাপাপের কু-প্রথা হইতে সমাজকে রক্ষা করার জন্য সমাজ নেতাদের এদিকে বিশেষ দৃষ্টি দেওয়া দরকার।

পবিত্র শরীয়তের বিধান—একটি ছেলে একটি মেয়েকে বিবাহ করিতে চাহিলে যেহেতু নব্য যুবক-যুবতীর ভিতর থাকে শুধু প্রবণতা, তাদের ভিতর অভিজ্ঞতা থাকে না সেজন্য পাত্র-পাত্রী নির্বাচনের জন্য অভিজ্ঞতা বিশিষ্ট পরম হিতাকাঙ্ক্ষী মুরব্বীর দরকার। উভয় পক্ষের মুরব্বীরা উভয় পক্ষের যোগ্যতা, সততা, কার্য দক্ষতা ও চরিত্রগুণ, পাত্রীর মধ্যে হায়া-শরম, দীনদারী, পরহেয়গারী, মুরব্বী মান্যতা ও সংসার রক্ষণাবেক্ষণের কষ্ট-সহিষ্ণুতার গুণ আছে কি-না? এবং পাত্রের মধ্যেও চরিত্রগুণ, কামাই রোজগার করিবার গুণ, সহ্যগুণ আছে কি-না? এগুলি উভয় পক্ষের মুরব্বীগণ খুব তীক্ষ্ণ দৃষ্টি সহকারে পরীক্ষা করিয়া দেখিবেন। শুধু রাস্তা চামড়া অথবা শুধু ডিহী বা শুধু টাকা বা শুধু বংশ গৌরব দেখিবেন না। আসল জিনিস দেখার ধর্ম এবং নৈতিক চরিত্রের গুণ। তৎসঙ্গে পাত্রের পাত্রী পক্ষ হইতে কিছু পাওয়ার লোভ না করা, পরেরটা খাওয়া, পাওয়ার প্রতি একটা প্রবল অনিচ্ছা ও অনাখ্রহ ভাব বিদ্যমান থাকা, নিজের অর্জিত ধনের উপর নির্ভর করা, পরনির্ভরশীল বা পরার্থ লোভী না হওয়া।

আমার কথার বা শরীয়তের বিধানের এ উদ্দেশ্য নয় যে, ছেলারেহমী করিতে হইবে না বা করা যাইবে না। আমার কথার বা শরীয়তের বিধানের উদ্দেশ্য এই যে, প্রত্যেক যুবকেরই উপার্জনশীল এবং স্বয়ং

স্বাবলম্বী হইতে হইবে। পরনির্ভরশীল, পরেরটা খাওয়ার লোভ বা অকর্মা কেউই থাকিতে পারিবে না। এই জন্য আমাদের ইমামে আগম সাহেব ওসীয়াত করিয়াছেন সর্বাপ্তে ইলম শিক্ষা কর, তারপর উপার্জনশীল হও, তারপর বিবাহ কর।

ছেলারেহমী স্বতন্ত্র ফরয। বিবাহের সময় দাবী করাকে, শর্ত করাকে হারাম বলা হইতেছে। উপার্জনশীল স্বাবলম্বী জামাতা হওয়া সত্ত্বেও যদি পরে দেখা যায় যে, জামাতার আয় যথেষ্ট হইতেছে না, মেয়ে জামাই-এর সংসার চালাইতে কষ্ট হইতেছে তখন যদি মেয়ের বাপের তাওফীক থাকে তখন নিজের অর্থ হইতে ছেলারেহমী করা অর্থাৎ মেয়ে-জামাইকে সাহায্য করা অতি বড় সওয়াবের কাজ।

ছেলারেহমীর প্রসঙ্গে আর একটি জরুরী কথা এখানেই বলিয়া রাখার প্রয়োজন মনে করিতেছি যে, একদিকে ছেলারেহমী শরীয়তের একটি বড় ফরয কিন্তু পরের গচ্ছিত টাকার দ্বারা বা আমানতে খেয়ানত করিয়া বা চুরি করিয়া ছেলারেহমী করা যাইবে না। নিজের অর্থ থাকিলে যে পরিমাণ তাওফীক থাকিবে সেই পরিমাণ ছেলারেহমী করা উচিত হইবে।

যাহারা পাবলিক প্রপার্টির আমানতদার তাহারা পাবলিক প্রপার্টির অর্থাৎ হুকুমতের চাকুরীর বা টাকার মালিক নয় আমানতদার, সে টাকার দ্বারা স্বজন তোষণ হারাম হইবে। যোগ্যতা দেখিয়া চাকুরী এবং অভাব দেখিয়া সাহায্য দিতে হইবে, এখানে আত্মীয়তা দেখা যাইবে না।

এখন জামানার গতির কারণে একটা প্রশ্ন হইতে পারে যে, আজকাল কওমী মাদ্রাসায় ১২/১৪ বৎসর পর্যন্ত উর্দু, ফার্সী, বাংলা, আরবী পড়িয়া মাওলানা পাশ করা সত্ত্বেও দেশের গভর্নমেন্ট তাদের কোন স্থান, বেতন বা ভাতা দেয় না অথচ তারা কওমের খেদমতের জন্যই, কুরআনের খেদমতের জন্যই জীবন কুরবান করিয়া রাখে এবং কুরআনের নির্দেশ অনুসারে রাসূলের পরিষ্কার ফরমান—

একটা জাতির মধ্যে যত শ্রেণীর লোক আছে যেমন কৃষিজীবী, চাকুরীজীবী, ব্যবসাজীবী ইত্যাদি। হযরত রাসূলুল্লাহ সাল্লাল্লাহু আলাইহি ওয়াসাল্লামের নির্দেশ যে, এইসব শ্রেণীর উর্ধ্বে সকলের উপরের শ্রেণীতে স্থান দিতে হইবে তাহাদিগকে—যাহারা কুরআন শিক্ষা গ্রহণকারী তালিবে ইলম এবং যাহারা কুরআন শিক্ষা দানকারী আলেম। বলা বাহুল্য যে, কুরআন শিক্ষার মধ্যে কুরআন শিক্ষার আনুসঙ্গিক যে বিষয়গুলি আছে যেমন—আরবী সাহিত্য, আরবী সরফ, নাহ্, ব্যাকরণ, উসূল, বালাগাত, ফিকাহ, হাদীস ও কুরআন শিক্ষারই অন্তর্ভুক্ত এবং ফার্সী, উর্দুতে কুরআন-হাদীসের সারমর্ম তুলিয়া বর্ণনা করা হইয়াছে তাহাও কুরআন শিক্ষার অন্তর্ভুক্ত এবং বাংলাদেশে কুরআন প্রচারের জন্য বাংলা ভাষার দরকার সেই নিম্নে যতটুকু বাংলার দরকার ততটুকু বাংলা শিক্ষাও কুরআন শিক্ষার অন্তর্ভুক্ত।

কুরআন শিক্ষা এত বড় মর্তবার জিনিস হওয়া সত্ত্বেও দেশের গভর্নমেন্ট তাদের কোনই স্থান দেয় না, টাকা আয়ের কোন পথ তাদের করিয়া দেয় না—তবে কি তাহারা বিবাহ করিবে না?

আমি জ্ঞানীগণকে চিন্তা করিতে বলি এ দোষ কার? ইহা কি গভর্নমেন্টের ঘোর অবিচার নয় যে, যাহারা এত কষ্ট করিয়া সর্বোচ্চ মর্তবার বিদ্যা শিক্ষা করিয়াছে তারপর তাহারা হাড়ভাঙ্গা খাটুনি খাটিয়া কওমের খেদমত করিতেছে।

গভর্নমেন্টের সবচেয়ে বড় কর্তব্য ছিল তাদের খেদমত করা এবং আর্থিক সাহায্য করা কিন্তু গভর্নমেন্ট যেহেতু পূর্ববর্তী ক্যাম্পের, ইংরেজ, ইসলামের দূশমন গভর্নমেন্টের অন্ধ অনুকরণের আওতা এখনও কাটাইয়া উঠিতে পারে নাই সে জন্য মুসলিম কওম তাহাদের রাসূলের নির্দেশকে এবং কুরআন-হাদীসের শিক্ষাকে উপেক্ষা করিতে পারে না। তারা গরীব হইলেও গরীবানা সাহায্য দান করিয়া কুরআন-হাদীসের

শিক্ষাকে বাঁচাইয়া রাখিয়াছে। আলেম, তালিবে ইলমদের অল্প হইলেও সাহায্য, সম্মান দান করিয়া ধর্মকে বাঁচাইয়া রাখিয়াছে।

অতএব আলেম সাহেবানের দুনিয়ার লোভ পরিত্যাগ করিয়া অল্পে তুষ্ট থাকিয়া কুরআন-হাদীসের, কওমের এবং ইসলামের সত্যিকার খেদমত করিতেই থাকিতে হইবে এবং অল্পে তুষ্ট থাকিয়া আয় বুঝিয়া ব্যয় করিতে হইবে। দুনিয়ার ধনীদের অনুকরণ তাহারা করিতে পারিবে না। তাহারা সাহাবাগণের জীবনাদর্শকে সামনে রাখিয়া সেইভাবে সরল জীবন যাপন করিবে এবং ঋটিভাবে ইসলামের খেদমত করিতে থাকিবে।

প্রত্যেক মুমিন মুসলমানেরই চিন্তাশীল হওয়া দরকার। চিন্তাহীন জীবন পশুর জীবন। আখেরাতের চিরস্থায়ী জীবনের উন্নতির চিন্তা সবচেয়ে বড় চিন্তা এবং আখেরাতের চিরস্থায়ী জীবনের অন্য কোন পন্থা নাই কুরআন-হাদীসের শিক্ষা ব্যতিরেকে। বিজ্ঞান শিক্ষার দ্বারা, সাহিত্য শিক্ষার দ্বারা দুনিয়ার টাকা উপার্জনের পথ হইতে পারে বটে কিন্তু তার দ্বারা আখেরাতের আসল জীবনের কোনই ফল নাই। বিশেষতঃ বর্তমান যুগে সরেজমীনে দেখা যাইতেছে যে, ধর্মহীন শিক্ষার দ্বারা মানুষের নৈতিক চরিত্র একেবারেই খারাপ হইয়া যাইতেছে। তারা হুকুমতের চাকুরী পাইতেছে বটে কিন্তু ঘুষ খাইয়া, অতিরিক্ত ট্যান্ডা ধার্য করিয়া, ক্ষমতা পাইয়া, ক্ষমতার অপব্যবহার করিয়া, কর্তব্য পালনের ত্রুটি করিয়া, গান, বাদ্য, নাচ, মদ ইত্যাদি ধ্বংসাত্মক কাজে গা ঢালিয়া দিয়া Inferiority Complex অর্থাৎ হেয়তাবোধ রোগে এবং পরানুকরণ শ্রিয়তার বিকট রোগে রোগগ্রস্ত হইয়া নিজেদের জীবনকেও ধ্বংস করিতেছে এবং দেশকেও, জাতিকেও ধ্বংস করিতেছে। যুবক-যুবতীদের অবাধ মেলামেশার কারণে মস্তিষ্ক মগজহীন হইয়া যাইতেছে। সে জন্য যৌবনে তো চিন্তা আসেই না বয়োবৃদ্ধি কালেও তারা অনুশোচনাও করিতে পারিতেছে না এবং ভবিষ্যৎ ধ্বংস হইতে রক্ষা করার চিন্তাও তারা করিতে পারিতেছে না। যে শিক্ষার পরিণাম এত

মারাত্মক সে শিক্ষার সংশোধন তারা করিতে পারিতেছে না। নিজেদের আত্মসত্ত্বা বোধ ও জাতীয় গৌরব বোধ সব ভুলিয়া পরানুকরণ করিয়া মস্তিষ্কের সৃজনী শক্তি, বিবেকের বিচার বিবেচনা শক্তি তারা হারাইয়া ফেলিয়াছে। ক্ষমতা পাইয়া গরীবের রক্ত শোষণ করিয়া খাইতেছে। এহেন শিক্ষার শিক্ষার্থীর সাহায্য করার পরিণাম ফল কি হইবে তা একবার চিন্তা করিয়া দেখা দরকার।

ধরুন, দুইটি ছাত্র জায়গীরের জন্য আপনার বাড়িতে আসিয়াছে। একটি ছাত্র কুরআন-হাদীস পড়িয়া, কুরআন-হাদীস অনুযায়ী জীবন গঠন করিয়া, কুরআন-হাদীস শিক্ষার কাজে আত্মনিয়োগ করিবে, একে জায়গীর রাখিয়া এর সাহায্য করিলে আপনি কি পাইবেন? আখেরাতের চিরস্থায়ী জীবনের ব্যাংকের লক্ষ লক্ষ নয়, কোটি কোটি টাকা এমন সময়ে জমা পাইবেন যখন আপনার কাছে টাকা-পয়সা কিছুই থাকিবে না, বন্ধু-বান্ধব, আত্মীয়-স্বজন কেউই থাকিবে না। দ্বিতীয় ছেলেটি অর্থ উপার্জনের জন্য পড়িয়া পাশ করিয়া ঘুষ খাইবে, নামায-রোযা ছাড়িবে, খ্রীষ্টান ধর্মের নেকটাই গলায় ঝুলাইবে, নাচ দেখিবে, গান-বাদ্য করিবে, শূকর, শরাব খাইবে। যখন হারাম-হালালের জ্ঞান সে হাসিল করে নাই, জাতীয় গৌরব বোধ তার নাই, তখন সে জাতিকে বিক্রিও করিয়া দিতে পারে। এই ধরনের সাহায্য করিলে তাতে যে কতখানি পাপের ভাগী হইতে হইবে তাহা প্রত্যেক মুসলমানেরই চিন্তা করিয়া দেখা দরকার। পয়সা ব্যয় কেমন জায়গায় করিতে হইবে, তাহা বিচার না করিয়া অজায়গায় পয়সা ব্যয় করিলে সে জন্যও আল্লাহর কাছে হিসাব দিতে হইবে।

একাধিক বিবাহ করিয়া যদি কেউ বিবিদের সঙ্গে সমান সদ্যবহার না করিয়া অ-সমান অসদ্যবহার করে তার শাস্তি অতি ভীষণ।

সহীহ হাদীসে আছে, আখেরাতের চিরস্থায়ী জীবনে সে অর্ধাঙ্গ রোগের ভীষণ কষ্ট ও ভয়াবহ শাস্তি ভোগ করিবে। হাদীসের ইবানত এই—

إذا كانت عند رجل امرأتان فلم يعدل بينهما جاء يوم
القيامة وشقه ساقط .

হাদীসের অনুবাদ—যার দুইটি স্ত্রী থাকিবে সে যদি তাহাদের উভয়ের মধ্যে সমভাবে সদ্যবহার না করে তবে কিয়ামতের জীবনে সে অর্ধাঙ্গ রোগের আযাব ভোগ করিতে থাকিবে।

নাচিজ-

শামছুল হক

জাতির প্রতি মুজাহিদে আযম হযরত মাওলানা

শামছুল হক ফরিদপুরী (রহ.)-এর

উদাত্ত আস্থান

মুসলমান ভাইসব!

কিয়ামতের ময়দানে হযরত রাসূলুল্লাহ সাল্লাল্লাহু আলাইহি ওয়াসাল্লাম আল্লাহ পাকের দরবারে এই বলিয়া ফরিয়াদ করিবেন, হে খোদা! আমার কণ্ঠম তোমার পবিত্র আযানত কুরআনকে পরিত্যাগ করিয়া রাখিয়াছিল। এই ফরিয়াদের আসামী না হইতে হয়, সেই জন্য আমাদের প্রত্যেকেরই উচিত আল্লাহর কুরআনকে মজবুত করিয়া ধরা অর্থাৎ শিক্ষা করা এবং কুরআনের আজমত ও মহব্বত দিলের মধ্যে পয়দা করিয়া যেখানে কুরআন শিক্ষার কেন্দ্র আছে উহাকে জানে মালে সাহায্য করা এবং যাহারা কুরআন বিরোধীদের সর্বপ্রকার হামলার মুকাবেলা করিবার জন্য জামাতবন্দী হইয়া কাজ করিতেছেন তাঁহাদের সঙ্গে আন্তরিকতার সাথে शामिल হইয়া যাও। প্রত্যেক মুসলমানের ঘরে কুরআন তহবিল নামে একটি তহবিল (টাকা প্রতি দুই এক পয়সা হইলেও) থাকা উচিত এবং নিজ জীবনের কিছু সময়ও খরচ করা উচিত।

নাচিজ-

শামছুল হক